

حدود صحیحہ مدیریتی قواعد صندوقی ۱۳۳۴ سنہ سی بودجہ قانونی لایحہ سی اوزرینہ موازنہ مالہ انجمنی مضبوطی ،
 حجاز صحیحہ مدیریتی ۱۳۳۴ سنہ سی بودجہ قانونی لایحہ سی اوزرینہ موازنہ مالہ انجمنی مضبوطی ،
 کبریت و قاورسم استہلاک دائر قرارنامہ اوزرینہ موازنہ مالہ وقوانین مالہ انجمنی مضبوطی ،
 اوقاف نظارتک ۱۳۳۳ سنہ سی بودجہ سنک بعض فصلوی ومواد پینتہ مناقہ اجراستہ دائر لایحہ قانونیہ اوزرینہ موازنہ انجمنی مضبوطی ،
 عثمانی سپر سفان ادارہ سی مأمورین ومستخدمین تخصیصات فوق العادہ سی قارشولنی اولہرق ۱۳۳۳ بودجہ سنک ۷۵۰۰۰ بیك غروش ضعی حقندہ کی لایحہ قانونیہ اوزرینہ موازنہ مالہ انجمنی مضبوطی .

لوائح قانونیہ مذاکرانی

تاریخ منزلتہ اعتباراً آتی آی طرفندہ معزولیت معاشی تقصیصی طلب ایتدیگر مقصدہ معزولیت ملکہ قانونک ۷۰، بی مادہ سی معدل بودی قانونی

رئیس — ۳۵۵، نومرو. ایکنی مذاکرہ سی اجرا ایدیلہ جک بر لایحہ من وارد. معزولین ملکہ قانونک یدنجی مادہ سی معدل بر لایحہ قانونیہ در. اونی مذاکرہ ایدہ جک. مادہ لری اوقویکر اقدم.

مادہ : ۱ ۴ شعبان ۱۳۲۷ و ۷ آغستوس ۱۳۲۵ تاریخلی معزولین ملکہ قانونک یدنجی مادہ سی بوجہ آتی تعدیل اولمشدر: معزولیت معاشی تاریخ عزلتہ اعتباراً تخصیص اولنور. تاریخ عزلتہ اعتباراً آتی آی طرفندہ بلاعذر معزولیت معاشی تقصیصی طلب ایتجان مأمورہ معزولیت معاشی استدہاسنک حوالہ سی تاریخندن اعتباراً تخصیص واعطا اولنور .

رئیس — بونک حقندہ ویرلش بر تعدیلنامہ بوق. مادہ بی رأیکرہ عرض ایدیورم ، قبول ایدنر لطفاً ال قالدیرسون : قبول ایدلشد .

مادہ : ۲ اشبو قانون تاریخ نشرندن اعتباراً مرعی الاجراد .
 مادہ : ۳ اشبو قانونک اجراستہ مالہ ناظری مأموردر .

رئیس — قانونک ہیئت عمومی سی رأیکرہ عرض ایدیورم ، قبول ایدنر لطفاً ال قالدیرسون : قبول ایدلشد .

عسکری قواعد واستعفا قانونک شنبی مادہ سی معدل قانونک برنجی مادہ سی تعدیل بودی قانونی

رئیس — نومرو ۳۷۳ ، عسکری قواعد واستعفا قانونک بشنبی مادہ سی معدل قانونک برنجی مادہ سی تعدیل بودی لایحہ قانونیہ . بودی لایحہ قانونیہ حکومتک تکلیفی، عسکری وموازنہ مالہ انجمنی لایحہ تعدیل ایدیور. اولامرده وجہ تعدیلہ برجلہ وارد. تسیب بودر. یلورسہ اونک حقندہ بر مطالعہ وارسہ، اویان بودر ولسون. اوندن سوکرہ اوشکلی اوقوز. حکومت، بوقدم ضعی سفرہ اشتراک ایدنلرہ تخصیص ایدیور. عسکری انجمنی، مناطق حربیہ بولونانلرہ شاملدر ؛ دیور. موازنہ مالہ انجمنیہ، بافضل حربہ اشتراک ایدنلرہ قدم

اولویورکہ مذاکرہ سنده وکلانک بولونامنی آرزو ایدیوروز وحقیقہ وکلانک بولونامیہ اصلدر ؛ دنیلہرک مجلس وکلانک انعقاد ایتدیکنی بیلہ بیلہ اوکونی ہیئت عمومیہ مذاکرہ سنہ تخصیص ایتک ، بعض رفقا جہ ، مناسب کورلہ دی . اونک ایچون دیگر ایام انعقادہ صالی کوتی علاوہ ایدلم ؛ دیہ بر اکثریت حاصل اولویور ؛ ظن ایدرم . بندہ کزده بوکون بونی تکلیف ایدہ جکدم — یالکز یارینکی صالی کوتی ایچون برچوق آرقداشلر مرک ہیئت عمومیہ نک اجتماع ایدہ جکہ مطلع اولنامی احتیالی واردر — بناءً علیہ بوندن سوکرہ مساعده ایدرایسہ کز صالی کونلر خدہ ہیئت عمومیہ مذاکرہ سنہ ادخال ایدلم . تحسین رضا بک (توقاد) — مساعده بودر بر میسک ؟ چهارشنبہ کوتی حقندہ معروضات واردر . اقدم ؛ بورادہ ہیئت عمومیہ نک اجتماع ایتدی کونلرہ کوربیوروزکہ مذاکرادہ حکومت نامنہ حاضر بولونانلرک ہان اوندہ سکزی ، نظارتلرہ ودواثرہ منسوب اولان مدیراندر. لوائح قانونیہ نک مذاکرہ سی استاسندہ ناظرک حضورینہ احتیاج کورولہ جک اولورسہ بونی ایکنجی برجلہ سیہ ویاخود بوم آخرہ تعلیق ایتک ممکندر . حال بوکہ برچوق لوائح قانونیہ یالکز مدیرانک حضوریلہ مذاکرہ ایدیور . اونک ایچون چهارشنبہ کوتی خدہ ضایع ایتدہرک ایام اجتماع عدوی بشہ ابلاغ ایتک موافق اولور .

رئیس — ہیئت عمومیہ نک یالکز شکلاً انعقاد ایدہرک بالآخرہ آرقداشلرک انجمنلرہ کیدوب چالیشلارینسک بکدہ موافق اولمادیغی البتہ تقدیر بودرر سکز . بناءً علیہ بودجہر چیقنچہ قدر شمدیلک ایام مساعی بہ برکون دہا علاوہ ایدرسک حقندہ درت کون چالیشلامانی تأمین ایتش اولوروز . مادامکہ صالی سریت برکوندر ونظاری دعوت ایدہ بیلک امکافی دہ حاصلدر ، بناءً علیہ اولاصالی بی رأیکرہ عرض ایدہم . صالی کوتی خدہ بوم مذاکرہ اولوق اوزرہ قبول ایدنر لطفاً ال قالدیرسون : قبول ایدلشد . یالکز آرقداشلرک جتہ خبردار اولنلری تأمیناً بوکا کلہ جک صالیدن اعتباراً باشلاہ جتہ . تحسین رضا بک (توقاد) — بوق، بو صالیدن اعتباراً اقدم . رئیس — بلکہ آرقداشلر خبر آلہ مازلر ؛ سوکرہ اکثریتی تأمین ایدہمیز .

مبعوثانک تعلیمی

— بودرور معرفی مدحت شکرى بک تعلیمی
 رئیس — مدحت شکرى بک افتدی، بودریکیز، ذات مالیکزی تحلیف ایدہ جکیز .
 مدحت شکرى بک (بودرور) — ذات حضرت پادشاهی بہ ووطنہ صداقت وقانون اساسی احکامنہ وعہدہ منہ تودیع اولان وظیفہ بہ رعایتہ خلافتندن مجاہبت ایلہ جکمہ واللہ .

اورادہ واردہ

— انجمنلرہ ہبقانہ مضطرب
 رئیس — شو عرض ایدہ جک مضطرب انجمنلرڈن چقدی :
 حدود صحیحہ مدیریتی ۱۳۳۴ سنہ سی بودجہ قانونی لایحہ سی اوزرینہ موازنہ مالہ انجمنی مضبوطی ،

بدأ مذاكرات

دینه ۲۰
ساعت ۲

[رئیس : حاجی عادل بك افندی]

ضبط سابقہ قرائتی

رئیس — انقدم مجلس کشاد اولوندی ، ضبط سابق خلاصہ سی اوقونہ جق . بووریکنز بك افندی .

(کاتب نوری بك ضبط سابق خلاصہ سی اوقور)

ضبط سابق خلاصہ سی حقتده بر مطالعه واری انقدم ؟

صادق افندی (دکزلی) — انقدم ، کچکنی جلسده ، سیفاره کاغذلرنک رسم استهلاکی حقتده کی قرار موقت تدقیق ومذاکره ایدیلدیکي هنکامده ، رفیق محترمز آغا اوغلی احمد بکله ، مالیه ناظری جاوید بك افندی آره سنده جریان بدن مباحثده ، ناظر بک آخرن دن برکله صدور ایتمش . بونی شمدهی ضبطده کورپیورز وحقی بوکون بعض رفقای کرامده مطلع اولشلر . بونی بمبوائك حقوقده دوقوندنی ایچون ، بنده کز محتاج تصحیح کورپیورم . معلوم دولت لریدرک برمیوٹ ، مذاکره اٹانسنده مجلسده ، وجدانندن دوغان سوزلری سویله بیلیر . موضوع محکک خارجنده سوز سویله تم ، دیک ، ریاست جلیله یاماند برکیفتدرک ریاستده بوسوزی ، نظامنامه داخلی به استناداً سویله بیلیر . فقط ، خارجدن کلن برناظر ، برآمور ، هیچ بروقت برمیوٹک مباحثه سنه قارشی « مساعده ایتم » کله سی ایراد ایدهنمز . جاوید بك افندی کی ، فصاحت وبلاغتله متمناز اولان برذاتک آخرن دن ، بویله چیرکین برکله نک سدوری غیر لایق کورولدیکندن وکندینک خلوص یتندن امین اولدیفنمزدن بوسوزی ، سرچ لسانه عطف ایده جکر . بناء علیه بونک تصحیحی لازم کایر .

ثانیاً آغا اوغلی احمد بك افندی ، کندینه قارشی ومبموائك حقوقه تعرض ماهیتده برسوز صرف ایدیلدیکي زمان ، اوکا قارشی بوکلای تصحیح ایتدیرمک ایچون ایرادکلام ایتمک لازم کلرکن ایچون بو نقطه سکوت ایتمش ؟ مرض ایتمک ایسته دیکم بودر . بوده ، ضبط « هجرده سنک » ۲۶۲ ، نجی صحیفه سنک سوکلرینه دوغریدر . اوراده ناظر بك افندی ، بوراده مالیه مشله سی مذاکره ایدیلرکن باشقه مسائلی قاریشدر برمه کزه مساعده ایتم ، دیش .

آغا اوغلی احمد بك (قره حصار صاحب) — انقدم ، بنده کز مباحثه اٹانسنده فیروالتش اولان بو سوزک اهمیتته انتقال ایتمدم و نصلکه رفقای کرام حضراتی طرفندن ده انتقال ایدله دی . اگر آرقداشلر انتقال ایتمش اولسه بیلیر ، البته درحال اعتراض ایدرلر وبرناظرک بویوله ، برمیوٹ سو صدرمه مایه جتنی کندینسه اخطار ایدرلر ایدی . عینی زمانده بو حقت منحصرأ بمبوائك جانندن مقام ریاسته ویرلش اولدیفنی اوناظره بیلیدرمش اولورلر ایدی ، کوریلورکه ، رفقای کرامده

مذاکره نک حرارتلی زماننده بونی انتقال ایتمه مشلدر . بالاخره ، صوغوق قابلیقله ضبط جریده سی اوقودقندن دوشونندکن سوکره ، او جله نک اهمیتتی تقدیر بوورومشلدر . برادریمز صادق افندی به ، بئم بوسهویمی کندی اوزرینه آلهرق تصحیح بووردقلرندن طولانی کمال حرمتله عرض متقداری ایدرم .

رئیس — مالیه ناظری جاوید بك افندی ، عینی زمانده بمبموتدر . طیبی صادق افندی برادریمزک بووردقلری کی ، هیچ بر وقت ، حیثیت ووظیفه بمبموتیه تعاقب ایدن مشهده ، هیئت جلیله نک رأیندن خارج برسوز سویله مزملر . فی الحقیقه « باشقه مسائلی قاریشدر برماکره مساعده ایتم » طرزنده « ۲۶۲ » نجی صحیفه ده برسوزوار . فقط اوکا مقابل احمد بك افندی ده « بنده سزی تصدیق ایدرم » صورتله جواب ویرمشلر . یعنی جاوید بك افندی ، صدد خارجنده سوز سویله نله سی موافق اولادیفنی ایما ایتمش اولهلر کرکدر . بوتون بویاناتده ضبطه کچمشدر .

مساعده بوورورسه کز سیفاره کاغذلری رسوم استهلاکیه سنه متدائر قرارنامه حقتده کی تعیین اسامیده استنکاف ایدن ذوات ایکی اولهرق کورستلشدی . فقط بالاخره تدقیق ایدلده که ، ضبطده کورلیدیکی اوزره ، مستنکف لک اوج اولدیفنی آکلاشیلیور . بناء علیه ضبط خلاصه سی ده بوسورته تصحیح ایدله جکر .

— مجلسک ایام صاعسی مقننه مزاکره

تحسین رضا بك (توقاد) — رئیس بك افندی ، کچکنده باننامه عرض ایتمشم . هیئت عمومی هفتده اوج دفعه طویلانیور وایکی ایله ایکی بیچ آره سنده اجتاع ایدوب درت ایله بش آره سنده یتتورکه من حیث المجموع ایکی ساعت چالیشلمش اولبور . هفتده آئی ساعت ایده یکریمی درت ساعت اولدیفنه کوره بردوره اجتاعیه ده کی زمان مساعیمز طفسان آئی ساخته انحصار ایدیور . حال بوکه بوکون کرک هیئت جلیله به مرض ایدلش برچوق لواج قانونیه وکرک قرارنامه ماهیتده ایوم مرعی برچوق قانونلر وکرک حکومتدن تودیع ایدلمکه اولان لواج بویله بیغین بیغین طوریرکن بزم بویله هفتده اوج دفعه ایکیشر ساعت چالیشلمش قطعاً دوغری دکدر . انجمندره مشغولتی اولانلر ، شمدهی اولدیفنی کی ، هیئت عمومی نک مذاکره سی اٹانسنده ده طویلانه بیلیرلر . بناء علیه هفته نک بش کوننده هیئت عمومی اجتاع ایدهرک ایکده طویلانسانک و آئی به قدر چالیشلمسانک تحت قراره آلتاسنی تکلیف ایدیورم .

رئیس — انقدم ، مساعده بووروریمسکز ؟ اولاً ضبط سابق خلاصه سی حقتده باشقه بر مطالعه واری ؟ (خار صدالری) ضبط سابق خلاصه سی دین عرض ایتدیکم تصحیحله قبول ایدلشدر . ذاتاً اولجه ، اجرا قانونی مذاکره ایتدیکمز زمان صالحی کونلرنکده هیئت عمومی نک ایام انعقادی میانه ادخالنی بعض ذوات تکلیف ایتمدهی . چهارشنبه کوقی یوم مذاکره یامایلم ، چونکه چهارشنبه کونلری بیلیورزکه مجلس وکلا واردر ، بعض قانونلر

سفرده کیجه وکوندوز چکش اولدقلری مزاحی اونوتوبده بونی، آنجق بالفعل آتش خطنده بولونانله تخصیص وشمیل ایتمکدوغری اولماز ، ظن ایدرم .
ثروت بك (طرزبون) - افندم، حکومتک وعسکری انجمنیه موازنه مالیه انجمنتك هر اوج تکلفی مقایسه ایدلهجک اولورسه عسکری انجمنی ایله حکومتک تکلفی آرهسنده بعضی قاط نظرندن فرقلر اولدینی تظاهر ایدر . کوچوک برفرق ، قانونک یازماسنه مائدبولونیور . هرایی تکلیفده ناصلسه نظردفته چارباش . موازنه انجمنی بونارنجی تصحیح ایدیور . ایکنجی برفرقده شورد: عسکری انجمنی قدملی کوچوک ضابطانک استفاده‌سی تأمین ایتمک اوزره تکلیفاری آراسنه قدملی کوچوک ضابطانندن قیدی قویورلر . حال بوکه موازنه مالیه انجمنی، بونک عسکری قاعد قانونی ایچنده بری اولدیفته قانع بولونیور و بونی ملکیه قاعد قانونی زمره‌سنه ادخالی مناسب کورویور و بوکا بناء بورادن چیقاریور . اوجنجی واک مهم برفرق دها واردرکه اوده حکومتک تکلیفنده «سفره اشتراک» ، عسکری انجمنتك تکلیفنده «مناطق حربیه» ، موازنه مالیه انجمنتك تکلیفنده «بالفعل حربه اشتراک» تمبرلیدر . «مناطق حربیه» تمبری غایت واسع وشمولی تمبر کوردیکمز ایچون بونی قولده تردداستک . چونکه «مناطق حربیه» زملیدر ؟ عیبا آقره ولایتی ، قسطنطنی ولایتی ، حلب واطنه ولایتاری بونکون «مناطق حربیه» دئمیدر ، دگیلدر ؟ بونی بیلمه یوروز . بورارده بولونان ارکان، امرای ضابطان و افراد «مناطق حربیه» ده بولونیورلری ، بولونمایورلری ؟ بونی ده بیلمه یوروز . «بالفعل حربیه اشتراک» تمبرندهک قصدیزله ، حقیقه ابراهیم بك افندیکن ایضاح بویوردقلری وجهه وایی قسم آراسنده برفرق کوزمه تمک قصدیه سوله دکلری کی، برشیدایله یعنی قورشونه معروض بر سنه ایله اوندن دها مطمئن بر حالده بولونان بر وجود آراسنده برفرق کوزندک و فقط بوفرقی صورت مطلقده و بلافیدو شرط کوزتمش اولماقد . چونکه «بالفعل حربیه اشتراک» ایدن دیکله برطابور ایچندن سچلمش، فقط حربیه ، آتش خطنه ایصال ایدلمش، کوندرلش قفرلری قصد ایتمکدک . بلکه آتش خطنه اشتراکی قوماندان طرفندن امر اولونان قطعه نک هر نفرینه شامل اولدینی اعتقادنده بولونقد و بوندن باشقه درلوده دوشونه مزدک . بر طابورک برفق بولوی آتش خطنه کیدر ، برفق بولوی اونک آرقه خدمتی یابار ، جیانه‌سی، ارزاقی طاشیر . بوسورته بوطابور بالطبع تکمیل اولهرق بالفعل حربیه اشتراک ایتشدر . یوقسه بر قسم امرای ضابطان و افراد قلنجلری و توفکلری انده دشمن قارشیننده کوکس کرش ایکن بر قسمنک - مادا استراحت نشین دیبه جکم - بلکه چادر نشین و فقط اونره نسبتله یه استراحت نشین اولهرق کری خطنه اوطوروب بوچی احراز ایتملری تجویز ایتمکدک . بونلرک آراسنده بونفرقی کوزمه مزدن مقصد ، هر کسی خدمت وطنیه تشویق ایتمک ایدی و بوکا قانع ایدک .

اولدینی وجهه ، دیکر برفرق نمایان اولویورکه اوده عدم لیاقت مسئله سیدر . عسکری انجمنی بوکی ضابطانه قدم ضعی ویرمه یور ، بز ایسه ورمک ایسته یوروز . چونکه بر آدم ، لایقدر ؛ دیبه اردویه آتمش وصورکه عدم لیاقتی تحقق ایلمش ؛ پک اعلا .. فقط مادامک اوده آدمی اولای لیاقتی دیبه آلیوروز و اوده خدمت ایتدیریوروز . صورکه ، عدم لیاقتی تحقق ایلمشه ، قاعده سوق ایدیوروز . او حالده کندیسی ، ایجا ابتدییکی خدمت ایچون ، نعدن بو حقدن محروم ایدم ؟ چونکه بر خدمت ایجا ایتش ، بر ویا ایچی سنه چالیشمش اولان بوآدمه بومدتی ضم اولهرق ورمکده هیچ برأس کورمه دک . ایسته عسکری انجمنی ایله موازنه مالیه آرهسنده حاصل اولان فرقلری بوسورته مرض ایتش اولدم . مجلس مالیکز هانکیسی قبول ایدر ، طبیی اصابت اوندهدر .

فاضل برقی بك (کنفری) - افندم ، حکومتک ، عسکری و موازنه مالیه انجمنلری تکلفی اولوق اوزره ، اوج مختلف تکلف قارشیننده بولونیوروز . بوتکلیفک نعدن عبارت اولدیفته مجلس مالیکز مطلع اولشدر . بنده کز بونلردن ، عسکری انجمنی طرفندن وقوع بولان تکلیفک قبول اولوناسنه طرفدار بولونیوروم و سینی ده مرض وایضاح ایتمک ایسته یوروم . بو قدم ضعی بالفعل حریده بولونانله تخصیص ایدلهجک اولورسوق صورت ظاهرده پک حقانیتلی برمامله یایتمش کی کورونویوروز . اوت ، قسطنکی اوموزینه آلمش ، قلنجی چکمش ، حیاتی تهلیکه قومیش ، فقط او ورطه دن قوروش و تکرار عسکر اولهرق یاشایور . اقتضا ایدرکه او ، بو فدا کارلنکن مکافات کورسون . دفته خاطره کلن منطبق و محاکمه بودر . فقط حقیقته قلنجی اله ، قسطنکی اوموزینه آلان اوعسکرک ، اوضابطک وظیفه‌سی بجامها ایجا ایتمه سی ایچون آرقه دک منزل قطعاتک ، ساعت کی ، منتظم صورته ایشه‌سی ایجاب ایدر . بوکون اولوردهکی مظفریات علائندن اک مهمی ، منزل خدماتندهکی انتظامدر . بوکون مظفریتدن مظفریته کیمکده اولان آلمان اردوسنک اسباب نظرفندن بریده مطلقا بوقلیات واطحاصه منزل تشکیلاتندهکی انتظام اولدیفته شبه ایتمه لیدر .

افندیلر ؛ خط حریده سلاخی اوموزینه آلان کیسه درت کون ایتمک بولمازسه اوسلاخی ناسل آتاییلیر ؟ برکوه بونی دوشونه لی یز . اورایه مریمی بیتمسه بهجک اولورسه او ، نه ایله محاربه ایدلهجکدر ؛ اولای بونی تأمین ایتمه لی یز . بو قطعه تأمل ایدلهجک اولورسه ایسته او وقت ، حیاتی تهلیکه قویدی دیبه یالکمز اوموزینه سلاح آلانره ضم یایتمی تجویز و قبول ایتمسکر . دیکرلرته ده ششمیل ایدرسکر .

صورکه رجا ایدرم افندیلر ؛ دوشونکرکه خطحرب کریننده برچوق ده پو تشکیلاتی وارد ؛ ده بورده بولونان ضابطان ، ده بوره کوندریان اولاد وطنی تعلیم وتربیه ایدیورلر و اونره سلاح آتمی اورکوه تیورلر . بنشاء علیه بونلر ، تعلیم وتربیه خصوصنده نه قدر دقت واهتا ایدرلر و بو خصوصه اهمیت بریرلرسه ، او عسکرلرده

عسکری انجمنتك تکلیفیه بزم تکلیفمز آراسنده منظور عالیری

سوق ایجاب ایدن اسباب، عدم لیاقت وسوء اخلاق کئی، احوالدره صورتندہ تعریف ایدیلپور، عدم لیاقت بونده داخلدر. اونک ایچون یزده داخل ایتدک. موازنه انجمنی ایسه بونی آپرشددر. طبیعی قرار هیئت عمومی نکرده. هیئت جلیله ناصیل مناسب کوریرسه یزده اونق قبول ایدرز.

مالیه ناظری نامنه خصصات ذاتیه مدبر وکیلی ابراهیم بک - عسکری قاعدواستفا قانونک تاریخ نشری ۱۱ آغستوس ۱۳۲۵ در. بوقانون مجلس مالیکزجه قبول ایدلدیکی زمان سفره اشتراک قیدیه تصدیق ایدلشد. قانون بوقدرله قائلمش. بینه ۲۳ شباط ۱۳۳۱ تاریخ بوقانون، مجلس مالیکزک تصدیقته اقراران ایتشددرکه اوده بوحرب عمومی اثناسنده چیقمشدر. بوقانوندهده «سفره اشتراک» تصدیق موجوددر. هیئت جلیله کز، اول امرده قرارنامه صورتیه نشر ایدلش اولان بوقانونی تصدیق ایتدیکی زمان بوجهتی نه مناطق حربیه ونده بالفعل حربیه اشتراک صورتیه تصحیح ایتشددر. تصدیق مالیکزده اقراران ایتش اولان بوقانون، ۱۳۳۱ سنه سندن شدی یه قدر مرعیدر. آتجق هیئت جلیله کزه بولایحه قانونیه تقدیمدن مقصد، قانونک بر جوق قاطنک صور تطبیقه سنده ترددی موجب اولدینی کورولش و بوحالک خزیننه ک منافعهده موافق اولمادینی آکلاشلش اولدیفندن بوجهتی دهها واضح برشکله افراغ ایتک و خزیننه ک منفعتی تأمین ایلمک جهتلری دوشه نکرده. بناء علیه اساساً مجلس مالیکزک ایکی دفعه تصدیقته اقراران ایتش اولان «سفره اشتراک» قیدی بالفعل حربیه اشتراک» صورتیه تحویل ایتک، ظن طجزانه بجه، موافق اولماسه کرکدر. اساساً عسکری قاعدواستفا قانونک مواد مخصوصه سی بوجهتدن برجوق استشار وضع ایتشددر. نته کم برضابط آتش خطنده بولونماز، خط حربک کریننده بولونور، آتش خطنده بولونماز ضابط شهید ویا معلول اولور. اوزمان کرک کندیسنه و کرک مانه سنه تخصیص ایدیلجه ک ماشک مقداری باشقه در، خدمت اوزرینه تخصیص ایدیلجه ک ماشک باشقه در. برضابط خط حربک خارجنده اولان خدمانده بولونور، برجوق مشاق و مزاح سفریه معروض اولور. بونک نتیجه سی اوله رق معلول اولور ایسه مادیا، یعنی مدت خدمت اوزرینه پیلان قاعد کئی معامله کورمز، شهید معامله سنه یقین بر معامله کوریر. شهیداً وفات ایدرسه مانه سنه برنجی درجه معلولیت ماشک بوزده ایتش بشی تخصیص اولونور. خط حربک خارجنده، مشاق سفریه دن دولای، وفات ایدجه ک اولورسه برنجی درجه ده معلولیت ماشک بوزده آتیش بشی وریلیر. حال بوکه اوضابط، مادیا وفات ایتش اوله ایدی اوماهله به و ره کجکز ماشک مقداری، همان مان یوزده یکرمی درت ویا اوج درجه سنده برشی اوله بیلیر. اونک ایچون قانون، نقاط مختلفه ده، مادیا وفات ایله مشاق سفریه دن دولای وقوع بولان وفاتی بریزدن آپریش و بوندر ایچونده شهید درجه سنده بر معامله پیلشددر. بناء علیه بالفعل حربیه اشتراک ایتمه بوده آرقه خدمانسه اشتراک ایدن ضابطانک

ضنی وریبور. اولاه هیئت عمومی اعتبارله، بواوج اساسدن هانکیسی قرر ایدرسه اواسه مانده اولان شکلی اوقوسق مناسب اولور، ظن ایدرم. فقط، بینه رأی سزرکدر. (موازنه انجمنک تکلیف ایتدیکی شکل اوقوسون صداری) اوت، موازنه انجمنک تکلیفی اوقوسق موافق اولور کئی. کرچه اصولزده اوله در. اوقویکزر بک افندی:

موازنه ماله انجمنک تکلیفی

ماده: ۱ عسکری قاعدواستفا قانونک بشنی ماده سی مدد ۲ جدای اولوی ۱۳۳۴ و ۲۳ شباط ۱۳۳۱ تاریخق قانونک برنجی ماده سی بوجه آتی تعدیل اولنشددر:

اعلان حربدن عقد صلحه قدر کچن زمان ظرفنده ارکان وامرا وضابطان و مأمورین و کتبه افلام حربیه وسائر منسوبین عسکره دن بالفعل حربیه اشتراک ایدنرک مدت خدمت لینه بالفعل حربیه اشتراکری زمانی قدر مدت ضم اولنور. آتجق مدت اشتراک اون بش کونی ویا اون بش کوندن فضله سی رأی اعتبار اولنوب اون بش کوندن دون اولان مقدار حسابه ادخال ایدلز. بالفعل حربیه اشتراک کرک دفعه و کرک فاصله لی صورتده اولسون مدت اشتراک مجموعه کوره حساب اولنور. سرفک هر هانکی بر آئنده اولورسه اولسون سوء اخلاقدن طولای قاعده سوق ویا اعاده اولسانرله سرفده کی مدت خدمت لری اوج آیدن دون بولنانر حرب ضمندن مستقیم اوله مازلر.

حسن رضا پاشا (حده) - انقدم، منظور مالیکز اولدینی وجهه، عسکری انجمنک تکلیفه موازنه ماله انجمنک تکلیفی بینه بر قاج قعقله اختلاف واردور. از جمله عسکری انجمنی، قدملی کوچوک ضابطانده بو قدم ضمنندن مستقیم ایتک ایسته بور. چونکه مجلس مالیکز دن اخیراً چیقان بر قانون موجهیجہ قدملی کوچوک ضابطان، صنف ملکیه بیکه جک اولور لرسه او وقت خدمت عسکره لری نظر دهه آئنه جقدی. ایشته، اوله قبول ایدیلن قانونه بوقانون آره سنده بر فرق حاصل اولماق مقصدیه عسکری انجمنی بو ضمنن قدملی کوچوک ضابطان مستقیم ایتک ایسته بور.

ثانیاً حکومتک تکلیفنده «سفره اشتراک ایدنرک ...» دنیلور. - سفره اشتراک تعبیری، حقیقه پکده عمومی بر تعمیردر - بوده شایان قبول ککدر. فقط، بالفعل حربیه اشتراک کیفیت پکده عمومی اولماسه کرکدر. چونکه، جبهه حربک آرقه سنده بر طاقم و غنائف واردور. مثلاً: منزل خدمتانی کئی. بو خدمانده بولونان ضابطان دوفریدن دوفریه یه یه حربیه اشتراک ایدرلر، بعضی کره آتش خطنه قدر کیده رک محارب اردوه یاروم ایدرلر. مناطق حربیه تعبیری برخصوصی حالی تصور ایتیز. بز، بوحرب عمومی نظر دهه آوب اور کوروز. بوحرب عمومیده مناطق حربیه، حقیقه جوفالدی، فقط بالفان محاربه سنده بویه دکلی ایدی. او وقت، مناطق حربیه بک محدود ایدی.

برده موازنه ماله انجمنی، ضابطانک لهنه اوله رق، عدم اقتدار دن دولای قاعده سوق ایدیلنلری مستثنا طوتبور. حال بوکه قاعده

وخطر حربه استخدام ایدر. اونك ایچون بوقانونك، عسکری انجمنك تکلیفی وجهله قبول ایدله‌سی لازم کلیر .

مخصصات ذاتیه‌مدیر وکیل ابراهیم‌بک — اقدم، عرض ایتدیکم کی، فزاتیه ضابطان مثلکو معاش تخصیص ایدلز. سلاح اندازانه تخصیص ایدله‌جک معاش، مقطوع و معیندر، مدت خدمت اوزربنه دکلدر. بناءً علیه سلاح اندازانك مدت خدمتته نه قدر ضم پایلیسه یاپلسون بو ضم، اونلرک قاعد معاملهنه ویاخود عائله‌ربنه تخصیص اولونه‌جق معاش معاملهنه برتأثیری یوقدر. تأثیری اولمایان برشیک علاوه‌سی ایه زایددر اقدم .

رئیس — اقدم، موازنه‌ مالیه انجمنك تکلیفی اوقوندی . عسکری انجمنیه حکومتك مطالعاتیه مسموع هایلیری اولدی .

شفیق بک (بازید) — اقدم، ثروت بک اقدنی بو یورمشردی که... رئیس — بریکزدن سویله‌مک ایچون مساعده ایسته‌مویکزر. بناءً علیه کرسی به کلکزر .

شفیق بک (بازید) — ثروت بک اقدنی موازنه‌ مالیه انجمنك قرارینی برر برر ایضاح و تشریح بو یوردقیری صروده عسکری انجمنك تکلیف ایتدیگی شکلده کی «عدم لیاقت» قیدی‌طی ایتدیگرینی، یعنی «عدم لیاقت ویا سوء اخلاق کی قیاب» متحققدن دولایی قاعده سوق ویا احاده اولونانلره سفردکی مدت خدمتاری اوج آیدن دون بولونانلر حرب ضمنندن مستفید اولمازلره فقره‌سندن چیقاردقیری سویله‌دیله. مادام که عدم لیاقتی اولسون اولسون، اولجه خدمته آلتش اولانلرکده بو قدم ضمنندن استفاده ایتلمی لازم کلیر بو یور یورلر .

بند کز، بو نك عکسکی التزام ایدیوروم . بر آدم هر نفسله خدمته آلتش، دعوت ایدلش. فقط مدت خدمتی طرفنده لیاقتسزلکی

تحقیق ایدرک چیقارلشدر . آنک هیئت اجتماعیه‌مه هیچ بر فائده‌سی کوریله‌مکدن باشقه لیاقتسزلکی دولاییسه قاعده سوق ایدلشدر .

او آدمک، عینی بائمل حرب منطقه‌سند بولومش ویا رارلق کوستریش، وطنه خدمت ایتش اولانلر کی ضمنندن استفاده ایتسه، مجلس

هالیکزجه ظن ایدرم، قبول اولونور برشی دکلدر. بناءً علیه موازنه انجمنك سائر تصحیحاتی قبول ایله برابر «عدم لیاقت» قیدینکده موازنه‌ مالیه انجمنك قبول ایتدیگی ماده‌یه علاوه‌سی تکلیف ایدیوروم .

حسن رضا پاشا (حیدیه) — ثروت بک اقدنی مناطق حربیه

تعبیری مطلق بولدیله . معلوم هالیکزدر که حکومت اعلان حربدن

صوکره هر آن مناطق حربیه‌نک درجه شمولی دائماً اعلان ایدر .

بزه بویه اولدیغی کی دیگر برلرده بویهدر . معلوم هالیکز،

کینلرده ایتالیا اردوسی وندیک اوواستکده مناطق حربیه‌دن معدود

اولدیغی اعلان ایله‌مشدی . بو، دائماً بویهدر . دشمنك وضعیتنه

ووضعیتنه نظر آن مناطق حربیه‌نک زمراری شامل اولماسی لازم‌له‌جکی

حکومتار رسماً اعلان ایدرلر .

عدم لیاقت مسئله‌کنجه : قاعدنظنامه‌سنگ ایکنجی ماده‌سی اشبو قانونك سرلوحه‌سند مسطور اولانلرک قاعدلری، وره‌جکلری

استدما نامه‌یه و سنین ایدله‌جک معلولیتلرینه ویاخود دولجه عدم لیاقت

وسوء اخلاق کی کوروله‌جک قیاب متحقق اوزربنه اجرا ایدله‌جکی

تصریح ایدیوروم . بناءً علیه قاعد ایدلک ایچون یاسوء اخلاق ویا عدم

لیاقتك تحقق ایله‌سی اساسی لازمدر. بویه، براساس اولماندن برانسانی

قاعده‌سوق ایتک امکان خارچندهدر. بواساسلر خارچنده برنی قاعدایتک

زورله قاعد ایله‌مک دیمکدر . اگر بورادن «عدم لیاقت» قیدی

قالدیراجق اولورسوق اووقت قاتونك روحنی خللدار ایتش اولورز .

دشمران بارصامیان اقدنی (سیواس) — بند کز حکومتك

تکلیفك قبولی طرفداری بولونیوروم . بردمه ضابطان آراسته، سن

جهبه‌ده بولونك، بن بولونماد، بن ایلیزده بولوندم، سن ایکنجی

درجه‌ده قالدک کی قرقه‌لر قومی مناسب کورمه‌یوروم . وظیفه هر کس

ایچون وهر وقت ایچون بویوک و مقصددر . هر وظیفه‌سی بیلن ضابطه،

وطنه قارشی اولان وظیفه‌سی محبتله پایبور . ایلیزده بولونانلره شهرلرده

قالانلرک هبسی بردر . هبسی‌ده عینی مقدس وظیفه‌نی ایضا ایدیوروم ؛

دیمکدر. اونك ایچون قدم‌ضمنك، حکومتك تکلیفی وجهله سفر برلکک

اعلانندن صوکره سفره اشتراک ایدن بوتون ضابطانه تشمینی بنده‌کز

مناسب کورویوروم . اگر بز اولنله بازارلق ایدرسک، وره‌جکمز

قدم نه قدر زیاده اولورسه اولسون، بو وظیفه‌نی، بازارلق قطعه

نظرندن، هیچ بری قبول ایتمز وجهه‌ حربیه کیسه کیشمز. اونلر جهه

حربیه کیدیورلرسه، صرف وطنلرینه قارشی وظیفه‌ربنی باقی ایچون

کیدیورلر. بولنرک بضاری کیری خدماتده قالیورلرسه یه وطنلرینه

قارشی خدمتارندن دولایی قالیورلر . بونک ایچون، آرایه بویه بر

فرق قومی، بنده‌کزجه موافق دکلدر .

محمد سعید اقدنی (معموره‌العزیز) — بوجهاده جهاد اکبرده،

جهاد اعظمدر . هیچ بر فرد یوقدر که اردویه معاونت و مظاهرت

وظیفه‌سیله مکلف اولسون . اردویی اصل بله‌بن، اونک سوقاتی

یابان، اوکا اوکوز ورن، آرایه ورن، یالین آتاق وچیللق

اولارق ارزاقی طاشسیان، زراعدر . قاعدیه وریله‌جکسه

بونلری‌ده قاتونه داخل ایتک لازم کلیر. (خنده‌لر) نعمت کفته

کورهدر. البته دشمن اوکنده آجلفه، صفوغه تحمل ایدن وقورشونه

کوکس ورن باشقه، آرقده اوکوز کودن، بوراده ناز وغم ایچنده

اوطوروب شکرله به‌بتلر یه باشقه‌در. (آقبشلر) اونلره بونلر

آراستنده پک چوق فرق واردر . آتش خشنده بولونلری یعنی

دشمن قورشونه کوکس کره‌نلری ویکرلرندن استننا ایتک لازم

کلیر که رغبت عمومی‌یه موجب اولسون، ویکرلری ایچون مدارتشویق

بولونسون. بناءً علیه بنده‌کزده موازنه‌ مالیه انجمنك تکلیفك قبولی

استرحام ایدیوروم. (مذاکره کافی صدالری)

مخصصات ذاتیه‌مدیر وکیل ابراهیم‌بک — اقدم، رجا ایدهرم

حکومت سوز سویله‌جکدر .

رئیس — موازنه‌ مالیه انجمنی مضبطه محرری‌ده سوزایسته‌بور.

مخصصات ذاتیه‌مدیر وکیل ابراهیم‌بک — اقدم، بردمه

بیساناندرنده ، موازنه مالیہ انجمنك پایدینی تمدیلاق بیسان بووردکن کرک حکومتك ، کرک عسکری انجمنك برنجی ماده رینك فقره اولاسنده ذکر ایدیلن قانونك تاریخندکی یا کاشلنك تصحیحی سوبله دیلر . اوراده ذکر اولونان ، ۲۲ مارت ۱۳۳۰ تاریخلی قانون ، قرارنامه در تکلیف ایدیلکی وقت شورای دولته کیشمندی ، دها بدایه تکلیف ایدلشدی . بو ۲۳ شباط ۱۳۳۱ تاریخلی قانون ایسه مجلس مالیکزه اوندن اول کلدیکندن شورای دولته بونک فرقه وارایلامه برق بو صورتله برانقلشدر .

باشا حضرتلرینک بووردقاری قدملی کوچک ضابطانه کلنجه : معلوم مالیکزدرکه عسکری قاعده واستعفا قانونک بشنجی مادهسی ، ضابطان ختنه در وضابطانک مدت خدمته هایددر . نفراک ، یعنی سلاح اندازانک کرک معلولیتی وکرک شهیداً وفاتی حالنده مائله لرینه معاش تخصیصنده ، قطعیاً مدت خدمت نظر اعتباره آلتماز . بناء علیه ، اولنک مدت خدمت لرینه قدم ضمنه لزوم بو قدر . بالاخره حکومت بونی دوشونه نرک ملکیه قاعده قانونه برماده ضم و علاوه ایتمش و قدملی کوچک ضابطانک مأمور اولادن اولکی خدمت انک خدمت ملکیه لرینه علاوه سنی دوشوشمدرکه بو مکافات اولنره کایدیر .

ثروت بک افندی یه بووردیلرکه : خط حربه کیرن برنفرله ، آرقده بولونان نفرات آره سنده بویوک فروق وارددر . فقط ، بو عرض ایتمش اولدیشمز ماده نفراته هاید دکلدر . ضابطانه هایددر . فاضل بک اندینک بووردقاری وجهه خط حربه بولونان رضابطانک معروض بولوندینی مهاک ایله خط حرب آرقه سنده منزل خدمت انده و صور سارنده استخدام اولونوب مزاحم سفر یه معروض بولونان ضابطان آره سنده بز . بک چوق فروق کورمه بوروز . سفر برلکدن یعنی حرب عمومینک ظهورندن اول ضابطانه ۱۱ اغستوس ۱۳۲۵ تاریخلی قاعده واستعفا قانونیه بخش ایدلش اولان وینه مجلس مالیکزک ۲۳ شباط ۱۳۳۱ تاریخلی قانونیه تأمین ایدلش بولونان برحقق حرب عمومی اشناسنده استردادی بک موافق اولمازلن ایدیبورم . بناء علیه ، قانونک ، حکومتک تکلیفی وجهه تصدیقی رجا ایدرم .

رئیس — باشقه سوز ایستین وارمی اقدم ؟

محمد صادق بک (ارطغرل) — بنده کزک معروضاتی فاضل برق بک افندی دها آبی ایضاح بووردیلر . بناء علیه چوق سوز سوبله بک دکم . یالکز ابراهیم بک افندی ، کوچوک ضابطانک حقوقی ملکیه قانوننده نظر دفته آلمشدر ، بووردیلر . بک اعلا . فقط او کوچوک ضابطان ملکیه خدمت ان کیتیزلرده الی نهابه عسکر اوله برق اردوده قالمق ایسترلسه بو عسکری انجمنک علاوه مایدیگی قیده بو قانوندن چیقارسه او وقت بولرک حق ضایع اولمازی ؟ سوکرک معروضات حربه دها جبهه قارشیننده بالفصل حرب ایدناره قدم ضم ایدیلور . عجبا کریده قالانلر کندیلکندینی قالمشدر ؟ اولر ، کندی کیفریله قالمشدر ، اردو قوماندانلرینک کندیلریش باشقه برایش ایله توظیف ایتمسندن قالمشدر . اردو قوماندانی ، اولنری دها بالاخره کتیر

اوقدر موقیتله ایضای خدمت ایدم بیلیرلر . چونکه بو ضابطان ، افراده وقت صلحه ایکی اوج سنه ده اوکره نله سی اقتضا ایدن شیرای ایکی اوج آیده اوکره تیورلر . و اولنری جبهه حرب کوندر تیورلر . بز ، سلاحی اوموزینه آلانلره آرقده دها مهم وظیفه ایضا ایدنلر آراسته ، مجلس مالجه ، بوله مهم بر فرق قویقله اولنرک شوق وغیرت لرینه ، نشلرینه خلل کله جکتی ده دوشومه لی بز . چونکه « الدال علی الخیر کفعا » بووردیلرینی وجهه خط حربک کرینسده نفرلره تعلیم اوکرمتن ارکان ، امرا وضابطانک ایضا ایدیلکی خدمت ، طبق حدود بوینده ، خط حربه سلاح آنانلرک یاقدری خدمتک عیندر . حتی بنده کز دیه بیلیرم که ایلریده قنک آتارق احراز اولونان ظفره ، آرقده اونقنکی آتقی اوکره تن هر آمرک ، هر ضابطک حصه اشتراک و شرفی وارددر .

سوکره افندیلر ، بالفصل حرب ایدن دیمکله ، انه قنکی آلوب حرب ایدناری قصد ایدیبورسه ق عجبا ، بوندن اطیبانی خارجی براقه جتیز ؟ بوگون اطبا ، بوتون محاربانه ضباط عسکریه یه نسبتله و مقدار اعتباریله ، فوق العاده ضایعات ویرمشلدر . بر ایستانتیق طوته جق اولورسه ق کوریزرک اطبا ک ایضای وظیفه اشناسنده ووردکری ضایعات هر حالده ضابطان عسکریه ک فونته در . ایدمی بولری ، سلاح آمادی ، دیه قدم ضمندن مستقیم ایتمک بک صریح برحقسزلق اولورکه بوله برحقسزلقی هیئت جلیله ک قبول ایده جکتی هیچ بر زمان تخمین ایدم .

افندیلر ، امین اولیکز بوقوجه محاربه ده سلاحله وقوع بولان تخریبانن زاده اردولرده خستلق تخریبات اجرا ایتمشدر . بوتون تهلکه یالکز خط حربه میدر ، مناطق حریبه نرهمی دکلدر ؟ ثروت بک افندی ، حلب ، قسطنیونی و آطنه نک مناطق حریبه اولوب اولادینقی صور تیورلر . بنده کز بی پروا ادعا ایدم بیلیرم که : بوتون بویلر مناطق حریبه در . کولوردن یاقان بومبار ، ساحلدن یاپیلان بومبارمان بولارده نه قدر تخریبات یامشدر .

افندیلر ؛ بوگون اوفاق مخلوقنلرک ، اوفاق حیوانلرک تیغورس دینلن خستلقی نصل ادامه ایستیردکری اونوتاملی بز . بناء علیه بونلر ، مختلف هیئات عسکریه آراسنده زنجیر کبی بر سلسله انتظام تشکیل ایدر . بونک بر باقلسی ، او زنجیرک بر خلقه سی وظیفه سی ایضا ایتمه بک اولورسه ، هیئت عمومی سنک ، اوندن متأثر اولماق احتمالی بو قدر . بوتون تهلکه مساویدر . خط حربه اولان نقصانن زاده خط حرب کرینسده نه قدر تلفات اولدینقی ؛ دائرة انتخابیه لرینه کیدن ، کنت و کذار ایله بن مبعوثان کرام رأی المین کورمشلدر . بناء علیه بالفصل حرب اشتراک ، تصیری برینه ، عسکری انجمنک قبول ایدیلکی وجهه « مناطق حریبه » تیسرینک قبول ایدلسی و هر حالده بولرده خدمت ایدن ، منزل آره سنده بولونان وظایف عالی بی الله ایتمک ایچون اوته کیلر درجه سنده عوامل مؤثره اولانلرک دخی اونوتامسی هیئت جلیله دن استرحام ایدرم .

مخصصات ذابیه مدیر وکیل ابراهیم بک — ثروت بک افندی

رئیس — شمدی افندم، موازنہ مالہ انجمنك تكلیفی، سوک اولدینی ایچون، رأیکزه عرض ایدیوروم. موازنہ مالہ انجمنك تكلیفی قبول ایدنلر لطفاً ال قالدیرسون :

قبول ایچمہ بنارده لطفاً ال قالدیرسون :

موازنہ مالہ انجمنك تكلیفی قبول ایدلشد.

بوماده، شفیق بك افندی، برفقره علاوه سنی ایسته بورلر.

تكلیفی لطفاً او قویکیز افندم:

ریاست جلیله

موازنه مالہ انجمنجه فرارورین ماده به « عدم لیاقت » جلسته ملاوسنی تکلیف ایدرم.

پایزد میونی شفیق

رئیس — شفیق بك افندیك بوتعدیلنامہ سنی قبول ایدنلر لطفاً ال قالدیرسون :

قبول ایدله مشدر.

شمدی، ماده نك موازنه مالہ انجمنك تكلیفی دائره سنده، برنجی مذاکره سنی کافی کورنلر لطفاً ال قالدیرسون :

کافی کورلشد. او قویکیز بك افندی :

ماده ۲ : بو قانون تاریخ نشرندن اعتباراً مرعی الاجرادر.

ماده ۳ : بو قانونک اجراسنه حربیه و بحریه و مالیه ناظرلری مأموردر.

رئیس — لایحه نك برنجی مذاکره سنی کافی کورنلر لطفاً ال قالدیرسون :

کافی کورولمشدر.

— تفصیلات فوق العاده شهریه اولاره ۱۳۳۳ بودجه عموده اولونانه مسکانه میلبوره کسور فرودسه عقده کی قانونه متننده وقوع بورانه تاریخ شهرنك تصبی عقده موازنه انجمنجه قلمه آتانه ماده منفرده لایحه سنی

رئیس — افندم، « ۳۷۵ » نومروی مذاکره ایده جکیز منظور مالیلری اولدینی وجهله بو مضطه، کچنلرده قبول ایدتیکیمز بر لایحه قانونیه ده کی بر تاریخ سهوینك تصحیحی حقنده در. لایحه قانونیه نك متننده « ۵ و ۸ کانون ثانی ۱۳۳۲ » دیشلمش. حال بوکه بو، یالکز « ۸ کانون ثانی ۱۳۳۲ » اوله رق تصحیح ایدله جک یعنی « ۵ » رقی سهواً فضلہ یازمش و اوصورتده اراده سنی به اقران ایتمش. بو، قانوندر. طیبی قانونی یشه قانون ایله تصحیح ایتمک لازم کیلور. او قویکیز افندم :

ماده منفرده

تخصیصات فوق العاده شهریه اوله رق ۱۳۳۳ موازنه عمومی سنی « ۱۶۹۵۲ ۸۰ » غروش اعطاسی حقنده مجلس عمومیجه بالقبول ۱۳ صفر ۱۳۳۹ و ۲۹ تشرین ثانی ۱۳۳۳ تاریخننده تصدیق مالی به اقران ایدن قانونده محرر « ۵ و ۸ کانون ثانی ۱۳۳۲ » تاریخلری « ۸ کانون ثانی ۱۳۳۲ » اوله رق تصحیح ایدلشد.

رئیس — قبول ایدنلر لطفاً ال قالدیرسون :

قبول ایدلشد.

— سه مقیدلرله شخصلری مناسب اولابانلرک تقریر سنی عقنده پاییلدوره معاموده و اثر نفوس قانونه زیمو لایحه قانونیه

رئیس — شمدی « ۳۷۵ » نومروی مذاکره ایده جکیز. بو لایحه قانونیه کچن سنه ایکی دفعه هیئت جلیله نك نظرگاهنه عرض اولوندی. نهایت رفقا مزدن امانوئلیدی افندیك، نظردقه آتانه تعدیلنامہ سنی اوزرینه عدلیه انجمنته تودیع ایدلشدی. عدلیه انجمنی، نظر دقه آتانه بو تعدیلنامه دائره سنده تعدیلاتی پاپوب هیئت جلیله به عرض ایدیور. ماده لری او قویلمی، هیئت عمومی سنی حقنده بر مطالعه واری افندم ؟

عبدالله عزمی افندی (کوتاهی) — افندم، بو، بر شخصک سجل نفوسده کی سن مقیدلرله نفس الامر معطابق اولوب اولادینی جهت عسکریه به تعیین ایدن بر لایحه قانونیه دز، نجه قاعده اصولیه دندرکه سبیک خصوصیتی، حکمک همومیتنه مانع دکلددر. یعنی بو قانون، صرف عسکرک تقطه نظرندن سوق اولونیور ایسه ده، سنك تصحیحندن دولانی، واقع اوله جق معاملات مدنیله ده شمولی اولمیلدر یعنی، سنی تصحیح ایدلرک یالکز عسکره آلتیق کافی دکلددر. حقوق مدنیله تعلق ایدن اهلیت جهت لریله ده شمولی اولوق لازم کلیر. بناء علیه شو خصوصده اسباب موجه سیله برابر مقام اعتراضده یازیلان بر ماده قانونیه وارکه اوده، عینی لایحه قانونیه شکلنده در و آیدین میعوثی ولی بك برادریمز طرفندن پاییلمشدر، نجه بو، لایحه قانونیه شکلنده، اسباب موجه سیله برابر لایحه انجمنته کوندرلرک اولخصوصده لایحه انجمنته قبول ایدلرکن سوکره، موقع مذاکره قونلی. چونکه بو ذات محترم، سنی تصحیح ایدلرکن سوکره یالکز عسکره آلتوب آلتاسی مسئله سنی موضوع بحث اولامل دیورکه یعنی عسکر لکله برابر معاملات مدنیله تعلق ایدن خصوصاتی عینی قانون تعیین ایتمک و موقت اولامه لیدر. بناء علیه بونکده بوشکلده لایحه انجمنته کیده رک قبول و یا ایدلرکن سوکره موقع مذاکره به قونلانی تکلیف ایدیوروم.

ولی بك (آیدین) — افندم، حربیه نظارت جلیله سندن احتیاج اوزرینه، سن مقیدلرله سن حقیقلری آره سنده فرق کوریلن اشخاصه قارشی پاییله جق معامله به دائر، بر قانون لایحه سنی کشدی. بو وسیله ایله انجمنده کوروشیلرکن طیبی بو مسئله نك درجه اهمیتتی توضیح ایشدک. معلوم طالیلریدرکه، سن مسئله سنی بونک وثیقه مثبت سنی و مهم سنی اولان نفوس کاغذلری، نظریه و نقضاً للناس عادتاً طابوسندلری کی بر رحمت صفتی حاز اولوسی لازم کلن دلائل رسمیه دندر و نفوس تشکیلاتی تام، منتظم اولان ملکتلرده، هر برده — ان شاءالله بزم ملکتمزده اودرجه به کلیر — نفوس تذکرلری طابوسنداتی نصل قانون ایله معین بونکده محدود طرق قانونیه ایله ابعال ایدلرله نفوس تذکره لرینک اوزرنده تعدیلات و تصحیحات اجرایی دخی اوکی فیوداصرفیه

حکومتك تڪلفي ، يالکز معاملات عسڪريه ايجون ويا لکز بوسفر برك زمانه شامل اولق اوزره استثنائي برحکمي متضمن ايدي . بو ، ايکي انجمن طرفندن تدقيق ايديلکدن سوکره ، هيئت عليه جهه مذاکره اولونديني سردهه ، اماونلدي افنديک تصحيح سنک ، قدبر سنک ، محکمهلر جابندن يابلسي لزومه متدائر قتريريه بزه کلدي . شو حالده انجمنک وظيفهسي ، برکره حکومتک تڪلفي وثانياً هيئت عموميه نك نظر اعتباره آلديني اماونلدي افنديک قتريري ايله مقيد ايدي . حکومت ، على الاطلاق حقوق عموميه ايجابيله تصحيح سن يونئي بزه تڪليف ايجبور . هيئت عليهه بوني قطعاً موضوع بحث ائمهدي . اماونلدي افنديک قتريرندهه بوکا دائر هيچ برقيد يوقدر . بوکا بشاء انجمن ؛ برکره کنديسي ، ولي بک افندي برادر مرکز تڪلفيني تدقيق ايله مک خصوصنده صلاحيتدار کورميور . بو ، يکي بر تڪليف قانونيدر . هيئت عموميهه آبرجه بر قتريره عرض ايديک و آبرجه مسامه کورمک ، يعني لايحه انجمنه حواله ايديک ايجاب ايدرفکرنده بولونيور . بو ، شکه تعلق ايدن ، انجمنک صلاحيتي نقطه نظرندن انجمنک اکثريتک اجتابنده تماس ايدن نقطه در .

اساس تڪليفه کلاجه : بو ، سفربرك زماننده حاصل اوله بر ضرورتندن متولد استثنائي بر تڪليفدر . اساس اعتباريله بو ، بويلدر . چونکه يالکز مامله عسڪريه تعين ايتک ايجون ، اخذ عسکر رؤسانک مراجعتي اوزرينه ، ايله جق قدير سن معاملاتق مختويدر . سوکره ؛ حکومتکده تڪلفي ، بونک يالکز سفربرك زماننده مرعي الحکم اولمسي قطعه سندهدر . بو تدليل ايديله جک اولان لايحه ، نفوس قانونه موقت ، استثنائي ، بر ذيل اوله جق ، سفربرك خام بولنجه بو ذيلکده حکمي اورته دن قالفه جقدر . تڪليف بو يولده واقع اولمشدر . بشاء عليه استثنائي وموقت اولان شولايجهي مذاکره ايدرکن ، صورت عموميده وسورت دائمهده حکمي جريان ايده جک بر قطعي تامل ايتک ، دوعري اوله ماز . اساساً نفوس قانوني ترتيب ايديلرکن تصحيح سن ادعاسي صلاحيتي ؛ حقوق عموميه دن دکل ، حقوق شخصيه دن عد ايدلمشدر . نفوس قانوننک « ۱۱ » نجي مادهسي تصحيح سن وقيد واسم دعوالري حقوق محکمه سنده نفوس مأموري ومستدمي ايله مدعي عمومي حاضر اولديني حالده الها که قرازه بر بطا اولونور ؛ دييور . يعني تصحيح سن وقيد واسم ائحق ، علاقه دار اولان افراد طرفندن واقع اوله جق استدما اوزرينه قبول ايدلمشدر . ولي بک افنديک بويوردقاري ، مثال اوله لقر ذکر ايتدنکري وسايت ، سن نکاح ، سن رشد ، حضانه بونلرک هيسده حقوق شخصيه تعلق ايدر کيفيتدر . بونده علاقه دار اولان افراد بولونور وعلاقه دار اولان افراد مراجعت ايدر . يالکز ، برجهت قابيلورکه اوده مظنون ومتهملدر . مظنون ومتهملر ايجون تصحيح سن ايکي درلو موضوع بحث اوله بيلير . بري . مظنون ويا خود متهم ، سننک دون اولديندن بجمله قانون جزائک مراعتلر حقنده ، صفيارلر حقنده اولان احکام ومساعدا تندن استفاده ايتک طلبنده بولونور . ايسته ، بوني نفوس قانوننک « ۱۱ »

رئيس — شيمدي افنديم . اول امرده عبدالله هرمي افنديک مسئله مقدمه شکلنده بر تڪلفي وار . آرقداشمز ولي افنديک ، مضبوطه منظور طاليري اولان تڪليف قانونيلري ، نظامنامه داخله موجبجه هيئت عليهه عرض اولومش بر لايحه در ، بوني ، نظامنامه داخله موجبجه اول امرده لايحه انجمنه حواله ايدهم ، اوراده نظر دفته آندقدن سوکره ، برلشديريوب مذاکره ايديک اوزره ، بو لايحه نك مذاکره سي تاخير ايدهم تڪلفيني درميان ايدييورلر . بشاء عليه ، اول امرده بو مسئله مقدمه نك حل ايدلمسي لازم کليز .

فؤاد خلوصي بک (آنطاليه) — سوز ايستهرم .
رئيس — فؤاد خلوصي بک سوزيکز بوکا دائرميدر ؟ چونکه اساسه کبريشيميم .

ولي بک افنديک عدليه انجمنک مضبوطه سنده منظور طاليري بويوريلان تڪلفي ، مطبوع بر تڪليف قانونيدر . بزه بو تڪليف قانونيه مطاع اولويورز . بشاء عليه ، هر تڪليف قانوني کي بونده لايحه انجمنه ورهلم دييورلر . اول امرده بومسئله نك حل لازم کليز . سوزيکز بوکا دائر ايسه بويوريکز .

فؤاد خلوصي بک (آنطاليه) — هيئت جليله نك معلوم طاليري درکه بولايحه تڪليف ايديلکي زمان ، اوله عسکري انجمنه بده داخله انجمنه حواله ايديلمش ، او انجمنلر ، تدقيقات ومذاکره سي اکل ايتدنک ومضبوطه لري هيئت عموميه هر عرض ايله دکل سوکره مذاکره سته باشلامش ايدي . کرک عسکري وکرک داخله انجمنی ، بو قدير سن مامله سنک ، مجالس اداره طرفندن يابلسي فکرنده اوله برق ، حکومتک تڪليفه اشترک ايله مش و او يولده لايحه قانونيه قبول ايتشدردي . اماونلدي افندي بواساسه اعتراض ايدمک قدير سننک همه حال محکمه جهه يابلسي لزومه دائر بر قترير قديم ايتشدي . بو قتريري هيئت عموميه نظر اعتباره آلدي بواساس دائر مسنده مادهه بر شکل و برمک اوزره ، عدليه انجمنه حواله کيفيت ايله دي . ولي بک افنديک بويوردقاري کي ، انجمنده او قتريره مذاق مذاکره آچلديني زمان ، کنديلري ، نفوس قانوننک « ۱۱ » نجي مادهسي ، تصحيح سن خصوصي ، اشخاصک مراجعته متوقف عد ايتش . حال بوکه بضا حقوق عموميه اعتباريله تصحيح سن لزوم کوريلور . محاکم طرفندن ديگر دوائر جابندن ده ، بوکالزوم کوستريبور ديه بر مطالعه درميان ايديلدي .

ولي بک (آيدين) — بويله سويله مدهم .
فؤاد خلوصي بک (آنطاليه) — بوميانده بونلري ده نظر مطالعه به آلآم ، مادهي عمومي بر شکل ايله تنظيم ايدهم ، يعني هر نه زمان حقوق عموميه نقطه نظرندن بويله بر تصحيح سن لزوم کوريلورسه ، دوائر مادمسي طرفندن مراجعت امکان ويره جک بو مراجعت اوزرينه بر اصول محاکمه تاسيس ايده جک شکلده مادهي تنظيم ايدهم بويورديلر . انجمن بونکيفلرني ، مضبوطه مزده عرض ايتديکمز ايکي سپيدن دولايي قبول ايده مدي ، برنجيسي : عرض ايتديکم کي

حصرايدلكدر. فقط بزم ملكتلر بزمدهكي تشكياتك حال حاضرى، قيود موجوده نك نصايدن عارى اوله مامهسى بوزندن اشخاصك سن مقيدلرله سن اصليلى آره سنده تضادى ايجاب ايدبور. بو، همزك بيلديكمز وهر زمان ماملاتمزده معروض قالدقمز وقواتدندر. بو، هر كوك و قهسى در. فقط سن مئلهسى، صرف اشخاصك نفع شخصيى موضوع بحث اولدينى زمان آراهجق و كيف شخصى به كوره تعديل اولونهجق بر مسئله دكلدر. حقوق عموميه به تعلق ايدن احكام. ولايت، وصايت، سن نكاح، اثبات رشد، قاعد ماملاتى حتى ميمولفه انتخاب ايتك و انتخاب اولونه بيلمك صلاحيتلرى، بو قبل حقوق عموميه به تعلق ايدن احكام، كافة سن قيده مقيددر. بناء عليه، آليم وصاتم ماملهسى كي، ايجار واستيجار مقاولهسى كي، اشخاصك ايستديكى زمان تصحيحه، ايستديكى زمان تعديلنه بر اقلش ماملات خصوصيه دن دكلدر. بونلر؛ ولايت عامه نك مطلق وقوى صورتده نحت قنيتنه كيرمش، نحت تنظيمه تابع اولش، ماملات و احكام عموميه دندر. شمدى؛ حربه نظارتك سن مقيد ايله سن حقيق آره سنده كي تضاد مسئله سنده ايستديكى تعديلات، با قبول ايديله جكدر يا ايديله جكدر. قبول ايدلك مسئلهسى، بر اساس مسئله سير. بونك ضمنده شو اعتراف وارده. ملكتمزك قفوس تشكياتى قفوس نذكر لرندن مطلوب اولان، فاب اولان و ثوق و محتى تا مين ايدمه يور. بونلر؛ سن، و ثوق و محتى، و ثوقه لى صفتى هنوز بخش ايدمه يور. حربه نظارتك بو ادعاسى، همزكده تسليم ايستديكمز صورتده واقع و وارددر. كوكلايستر كه هر كك طابو سندرلى ايله، حقوق ملكيه و تصرفه سنى تا مين ايدن شيرله، نصل اويتايله ميورسه، قفوس نذكره لرى ايله دخى اولهجه اويتا ماسون. بر كره قيد و ثبت ايدلن سن اوزرينه، ماملاتك جريانى دوام ايدوب كيتسون. فقط، اولجده عرض ايستديكم وجهه تشكياتمز قفوس، قيودمى غير كافي. بر جوق اشخاصك قفوس نذكره لرى سن حقيقى كوسترمه ديكي كي. بر جوق لر سنده سن قيدندن محروميتلرى آشكاردر. نه ياهلم؟ بونك ايجون حكومت دوشومش، بر قانون نشر ايتش. بو قانون، احوال دولايسيه هنوز تطبيق ايديله ممش. اوراده، طرق لازمه و قانونيه كوسترلش. آتجق شمدى به قدر موجود قفوس نذكره لرى حقتده ياييله جق مامله بو بونلر ك تصحيحه مسئله سنك نهمانلر ده موضوع بحث اوله جنى قانونك هيچ بر ماده سنده، هيچ بر قفوه سنده نظر دفته اتمامش، ذحول ايدلش، خطا ايدلش، يا خود بوكا لازم كلن اهميت و برله مش، هر نه ايسه. شمدى، فرض ايديكزه كه آنا ايله بابا آره سنده حضانه مسئله سندن دولاي، چوجق تسليم و تسليمه دائر بر دعوى وار. آنا: چوجق، يدى ياشنه كه شمدى، ينى مدت شرعيه سنى اكال ايتمه شمدى، ديور و قفوس نذكره مى اوزرينه معامله يايق ايستبور. بابا ايسه، مدت شرعيه سنى اكال ايتشدر، بن اونك تربيه سنه صاحب اولق ايستبورم، چوجو مى آله جقم ديور. شمدى بو مسئله، قفوس نذكره سته كوره مى، يوقسه سننه كوره مى حكم ايدمه جكزه؟ ايدمه جكسه ايدلم.

فقط، ناسك مكلفيت عسكريه سى موضوع بحث اولدينى زمان اونلر ك سن مقيدلرله اويتا ميلم. اكر بر ضرورت وارسه كه، قفوس نذكره مى؛ مصالح عموميه و خصوصيه اشكال ايدبور، مقصدى حقيه تا مين ايدمه يور، تعديل مسئله سى موضوع بحث اوليور. سن مقيدك كافة حقوق و ماملاتده، هر كك و حقوق عموميه نك محفوظيتنى تا مين ايدمه جك صورتده، بر طريق قانونى ايله تعديلنى، اكالى، تا مين ايدلم. ايسته بو فكر ايله در كه بنده كز، حربه نظارتك تكلىفى موضوع بحث اولور كن هم، حربه نظارتك كوسترديكى ضرورت واقعه تهرين ايدلسون، همده دوائر و اشخاص طرفندن جرائده اولسون، و صايتنه اولسون سن ايله مقيد كافة احكام و ماملاتده واقع اوله جق بر اعتراض نظر دفته آلسون، ايتجق بو نظر دفته آتجق ماملهسى، فلانك، اوتك كك بر يكك تاثيراته نظرأ اولماسون. بو، حقوق عموميه دندر. مدعى عموميك دلالت و صايتيله، اونك حقتده اقامه اولونه جق بر دعوى ايله بو نيجه، بوامنيه، تحصيل ايديله بيلسون ديه بر ماده مذبله شكنده بر قفوه عرض ايدبورم. قبول ايدليرسه فبا، قبول ايدله ديكي قديرده حربه نظارتك واقع اولان تكلىفى قبول ايله مك اساسدن واز كچكدر. چونكه هر كك قفوس مقيدمه سيله اويتا مامق اساسنى قبول ايتك لازمدر. معلوم طاليرى بو يورلدينى وجهه؛ سفر برلك اعلانندن سوكره، جهت عسكريه به تعلق ايدن مسائل قانونيه نك تامين ماهيتى و تا مين ايجون، بر جوق اصوللر تأسس ايتشدر. بويانده قانون ماهيتى حازر، قفوس قانونك ماده مخصوصه سنده كوسترلن، تامين ايله صلاحته بناء، سن مينلر بر جوق تعديلاته اوغرامش تصحيجات دخى، محاكدن درجه درجه چكك صورتيله، شكل قطبى احراز ايله مشدر. بو صورتله مواد قانونيه نك بخش ايله ديكي صلاحته مستندأ، قطبى اكتساب ايتك صورتيله، تشك ايدن احواله قارشى جهت عسكريه، تصحيح سن اسبابنه توسل ايدلسى، ظن ايدرم كه ايجابات قانونيه ايله قابل تاليف دكلدر. بو، حقوق مكاتبه نك آچقندن آچينه اخلاى ديمك اوله جقندن، احكام قانونيه نك لايتفر بر حاله كسى تا مين ايجون اشبو قانونك، محاكدن معطى اعلامانه مربوط تصديق سن ماملاتنه، جهت عسكريه جه اعتراض ايدلسى غير جازدر. تكليف ايله ديكم ماده قانونيه نك بو قانونه علاوه بو يورلسنى رجا ايدرم. چونكه، بو سكوت عنه بر ايله جق اولورسه، جهت عسكريه به بكارا هر حالده، حقوق خصوصيه علمنده تقيراته اوغرامق احتمالى باقيدر. طبييدره ك مجلسدن كچك كدن سوكره بونك، قطبى و وضع مخصوصه ايله تامين ايتسى قوانين اساسيه به دها موافقتدر. مقدا محاك نظاميه به حين مراجعته بويه تصحيح سن جهته قرار و برلش اولسى، تحقيقاته، حجه مستند اوله جقدر. شمدى، عين زمانده، عين صورتله بكارا محاكك قضيه محكمه تشكيل ايله ديكي بر كيفيت علمنده، بكارا كيفيت موضوع بحث ايدليرك آرى بر حكمه ربط ايدلسى محق اوللاز و قطبى ده غلدر. اونك ايجون بو قانونه، اوچنى ماده اوله رق عرض و تكليف ايله ديكم ماده نك قبول ايدلسنى تكليف ايلرم.

سويله بورلر . اوزمان تصحيح ايدلش سنلر نه اولاجقدر ، اونصحيح ايدلش سنلر اوزرينه جريان ايتش احكام نه اولاجقدر ؟ قانونك كچه اوچنجي ماده سنده ، برسب حقوقيه مستنداً برشكل كوسترلش، فقط بونكه تقدير سن مسئله سنك شو طرلز اداريسي ، مشروع كوسترلش اوللز . اوندن حاصل اوله حق نتيجه لرك ضرري تعديل ايدلش اوللز . بنده كرك آرادينم ، ايسته ديكم شي ، نفوس ماملاتنك قيود موجوده سي ، تشكيلات حاضره سي ، دولتك منافع ماليه سنه مستند و عمومي احكامك تأمينه خادم و هيئت اجتماعيه مك منافعي تأمينه صالح اولديغنه اكر هيئت عموميه قانع ايسه ناهنجون بوكا ، عسكر لره طوقونه لم . نتيجه مع التأسف ، بر حقيقت مسلمه درك نفوس قيود حاضره سي ، احتياجات عموميه مزه كافي كدلدر . نفوس تشكيلاتنز نقصاندر . نفوس قيود اتيله ، نذا كريله ، ايسته نيديكي زمان اويانمق امكاني وار ؛ شمدي به قدرده وار ايدى . بعض افرادك البته نفوس نذكره سي يوق ، بعضيارنك بش آشانغي بش يوقاري بر بازارلق ؛ مادامك بو ، عمومي بر نقصاندر . دولت ، بو عمومي نقصانك تلافيسي ، ايجالي يالكر مكلفيت اعتباريله نظر دفته آلهرق بوكونك احتياجيله افرادي عسكره سوق ايتك خصوصنده كوز مامليدر . حقوق عموميه به متعلق بر جوق مسائل و حقوق افراد اوله جقدر كه - مثاللى هرئ ايتدم - اوزمان ده موجود نفوس نذكره سنه اعتراض ايدنر بولونه جقدر . بو ، يالكر دوائر طرفندن اوللز . هرئ ايتديكم كي ؛ حصانه مسئله سي ايجون ، محكمه شرعيه به كيدن بر مطلقه ايله زوج ، چوجو عك تسليم و تسليم معامله سي كي آنامك ، بابانك حسابنه تعاق ايدن بر مسئله دهده ظهور ايدوبيلر . اكر بوكون مكلفيت عسكريه دولاييسله نفوس نذكره لره اويانمق لزومني كورديورسوق ، ناهنجون اوزمان ، آنامك ويا بابانك نفى ويا خود منافع ماليه دولتي ، هيئت اجتماعيه ، اخلال ايدن و صحتي ثابت اوليان بر وثيقتي معمول به طوتوبورز ؟ اوزمان ؛ او وثيقته به قارشى واقع اوله حق اعتراض ، اكر واقع و وارد ايسه ، بر طريق تصحيح ايله حل ايدلم . او اعتراضاتك مشروع اولوب اولمايغني آكلاييم ؛ ديوروم . بونده ، اوبه نارك ومهم بر مسئله اولديغني ايجون و حقوق عموميه به شدتله تعاق ايله ديكي اجلدن افرادك كيف شخصيسنه بر اقييم . مدعي عمومينك حقوق عموميه مسائنده حائر اولديغني صلاحيته توفيقاً و او كا علاوه اونصحيح دعواسي يوروتلم ديوروم . بو ، ظن ايدرم كه جله مركز تسليم ايدم جيكي بر شيدر . اكر نفوس قيود موجوده سي احتياجيه كافي و منتظم ايسه ، بوني ادما ايديبورسوق ، ظاهراً سندلرله اويانمديغني كي مجلسك ، هر كسك نفوس و قيود موجوده سي اويانميه هيچ حق يوقدر .

شفيق بك (بازيد) - اقدم ، موضوع مذاكره اولان بو مسئله نك ، هيئت عموميه جي هم حل ايدلمه سي ، يا خود لايحه انجمنه سي حواله ايدلمه سي حقتنه رياست جليله دن بر تكليف واقع اولدى . محترم رفقا مژدن بر ذاتده ، ولى بك افندي طرفندن واقع اولان تكليفك لايحه انجمنه كوندربلهرك اوراده تدقيق ايدلمه سي ، بورايه كله جيكي

زمانه قدر در دست مذاكره اولان بو لايحه نك تعلق مذاكره سي تكليف بويورديلر . معلوم يالكر ذكره لايحه انجمنه كوندربلهرك مواد ، مستقلاً تكليف ايديلان مسائله منحصر دره . بوماده ايسه حكومت طرفندن تكليف ايدلش ، متتمد انجمنه دره مذاكره اولونمش وولى بك افنديك اعضاسي بولونديغني عدليه انجمنندهده مذاكره ايدبلهرك ولى بك افندي اورادهده نقطه نظري ايضاح ايتمشدر و نته كم شمدي هيئت عموميه دهده ايضاحات وردى . اكر ولى بك افنديك بو تكليفلى ، بولايجه مندرجاتدن بالكيه خارج و مستقل بر تكليف عد ايدلبورسه ، عبدالله عزمي بك افنديك بويوردقارى كي ، بونك لايحه انجمنه كيتمه سي لازمدر . فقط بنده كز بوني مسئله دن خارج كورمه بورم . ولى بك افندي ، بولايجه قانونيه نك ، بعض تعديلانه ديكر برشكلني تكليف ايديبورلر . بويه اولونجه ، لايحه انجمنه كيتمه سنه لزوم يوقدر . شيمدي به قدر هيئت عموميه به سوق ايدبلهرك موقع مذاكره به قوانينان تكاليف قانونيه مثاليه تكاليف كرك حكومت طرفندن اولسون ، كرك رفقاي محترمه طرفندن ورسون ، بر ماده قانونيه نك تعديل حقتنه كي وريبان تكليف و تعديل ناملر ، هيئت جليله ده حل ايدلمك لازم كير . يكي دن تدقيق و قراره ربط اولونق اوزره بونك بر انجمنه كيتمه لزوم يوقدر . چونكه فرض ايدلم كه لايحه انجمنه حواله ايدلدى . لايحه انجمنه ده تكليفك موافق و نظر اعتباره آلمسنه لايق اولديغنه قرار وردى . سوكره زره به كيده جك ؛ طبيعي مائد اولديغني عدليه انجمنه . حال بوكه او عدليه انجمني ، ولى بك افنديك تكليف قبول ايتماكه برابر ، نقطه نظري هيئت جليله حضورنده ايضاح ايتدى . بناء عليه بنده كز ولى بك افنديك تكليفك هيئت عموميه به حل ايدبلهرك ديكر انجمنلرك هيچ بريسنه كوندربلمه سي طرفداري يم . نظامنامه داخليزم مندرجاتي ده بومر كزدهدر .

فؤاد خلوصي بك (آنطاليه) - بنده كرك معروضات حو اباً ولى بك افندي نفوسك صرف حقوق افراده تعلق ايتيوب ، حقوق عموميه ني ده علاقه دار ايتديكندن بحث بويورديلر . بويه اولونجه نفوسك قيودي و تصحيحاتي افرادك كفته براقيله ماز ؛ ايدبلر . واقعا اوبه درونوك عكسي ادما ايدنده اولماشدر . حقوق عموميه دن عد ايدلبوب افرادك حقوقندن سايبان جهت ، تصحيح سن دعواسنه جريان ورمكدر . طبيعي نه قيد ، نه تصحيح افرادك كفته براقيله ماز . فقط افرادي سجلات نفوسه قيد ايدن حكومت ، تدقيقات اجرا ايدهرك قيد ايديبور . حقوق عموميه بي بداية بويوله محافظه ايله بور . سوكره تصحيح سن حقتنه افراد طرفندن دعوي اقامه ايدلبليكي زمان ، تصحيح محاكمه سنده اومستديله نفوس مأموري خصم اولوبور و مدعي عمومي ده محاكمه حاضر بولونبور . بناء عليه ، نفوس قانونك « ۱۱ » نجي ماده سي حقوق عموميه بي تأمين ايتيوبور بولنده كي افاده دوعغري دكادر . نفوس قانوني ، بداية قيودك حكومت طرفندن انضباط آتته آلماسني تأمين ايتككه ، حقوق عموميه بي محافظه ايتديكي كي ، تصحيح دعوازي و قوعندهده يته اوايشله مكلف

نجی ماده سی تأمین ایدیور. کندیس بی بولنده محکمه به مراجعت ایدر، تصحیح سنی ادا ایلر. جزا محکمه سی ده بو مسئله متأخره نك حله قدر قرارنی تأخیر ایدر. افرادك لهنه، مظنون و متهمك لهنه اولان جهت، بوصوله قانوناً محفوظلدر. شوالهه بالکز دیگر جهت قالیور؛ اوده؛ سنی قیوده نظراً کوچوک کورونوب ده، مدعی عمومیکجه بونك تص الامره عدم موافقتی، او صغیرك صغیر اولایوب مسئولیت قانونیه سنده اولدینی بولنده واقع اوله حق ادا دادر. واقعا بونی، نفوس قانوننك نظر دقته آلامش اولدینی کورریورز. فقط، بونك اساسی ده نظر مطالعه به آندینی زمان شو بولده. بر ملاحظهه بولنلمشدر. شوبله که، نفوس ماملاتق حکومتك وظا فئندندر. حکومت، نفوس قیودانك تحت اوزره جریانه مقتضی نه قدر تدبیرلر واره بونی اتخاذ ایتمکله مکلفندر. شاید نفوس قیدی، حکومت مأمورلرینك تراخیسی یوزندن، افرادك لهنه اوله رق بولونورسه آرتق حکومتك، بو بزم مأمورلرک تصورندن تولد ایتمدی، حقیقته منافیدر، شدی مسئله بی تصحیح ایدمکچکز؛ بولنده کی دعواسنی قانونک اون ننجی ماده سی ترویج ایتمک ایسته مشدر. یعنی مظنونك علیه؛ حکومت طرفندن بولولده، کندی خطاستندن استفاده شکلنده، بر مراجعت وقوعنی نظر اعتباره آلامش. اگر هیئت جلیله بونی نظر اعتباره آیره آیرجی بر تکلیف اولوق اوزره لایحه انجمنه حواله ایدر. اصولی دأره سنده بوتکلیف ده یاعدلیه انجمنه، یا خود مآد اولدینی دیگر انجمنه حواله ایدیور. تدقیق اولونه رق هیئت عمومی ده موضوع مذا کره اولور. فقط شدی استثنائی اولوق اوزره وحی مستعجل اوله رق، حکومت طرفندن تکلیف ایدیلن بولایحه قانونیه نك مذا کره سی، بوسیلله تأخره اوغرائق، موافق اولماز مطالعه سنده م. انجمنه کده اکثریتی بومطالعه دهر.

ولی بک (آبدین) — انقدم، فؤاد خلوصی بک افندی حضرتلری کندی نقطه نظر لرینی بوتون قوتیله مدافعه ایتمش اولوق ایچون، بتم مطالعه اولمایان بعض خصوصات ده مطالعه لرینه علاوه ایدیلر. کرچه بونده بر آس یوق. فقط بن؛ افرادك حیات خصوصیه سنه، حال حاضرنده کران کلن مداخلات حکومته، بر قات ده مداخله وسیله سی احضار ایتمک یول لرینی آرایا یورم. قطعاً بویله بر فکر خاطر مددن کجه مشدر. بن؛ حقوق عمومی نك تعلق ایتمدیکی مسئله دیگله، حکومتك مداخله سنك ایجاب ایتمدیکی مسئله معناسنی قصد ایتمه یورم. بعض مسائل واردر که افرادك اختیار و آرزوسنه تیباً جریاننده، هیئت اجتاعیه نك بر ضرر کورمسی وارد خاطر اولماز. هرکس؛ آلمینی، صابینی، ایجاری، بناسنی، شو ویا بو شکله یاه بیلیر. بونلر حریت شخصیه بک، حق تصرف ایجاباتندن و حکومتك مداخله سنی استنزام ایتمین، طرفین مآقدیننك تلاحق تراخیسی ایله حاصل اولان مسأله دندر. آتقیق؛ دیگر بعض احکام حقوقیه واردر که، او احکام حقوقیه نك، هرکس ایچون عموماً و حکمتک مطرد، مطلق صورنده تأسسی، هیئت اجتاعیه نك منافی اقتضاستندندر. بولنده تصرفات فردیه سوکوز.

هرکس سن رشدینی، بریله مفاوله یاهرق شو ویاو «سن» در دیبه کینه ویا طرفینك تلاحق ایدمک رضاسنه کوره دیکشدره من. هر کس، سن نکاحك دوندنه اولان رقیزی ویا خود ارککی، ایسته دیبی زمان کندی کینه تیباً ترویج ایدم من. هر کس، دولتک منافع عالیه سنی، منافع اجتاعیه سنی کوزه نرک، تأسیس ایتمدیکی حق وصایای زمانندن اول اخلاص ایدوبده چوجفک سر بسیستی ویا موانسندکی تصرفنی، کندی اله ویرمک صلاحیت دار دکلدر. ایسته؛ «سن» مسئله سنك حقوق عمومی به تعلق دیمک، سن ایله مقید خصوصاتنده افرادك کینی ورضای طرفین ایله تأسس ایدمک مفاولاتک حکمی یوقدر؛ دیمکدر. بنا علیه دولتک سن وصایت، سن قاعد، سن رشد، سن نکاح، سن حضانة اوله رق قید و تصمین ایتمدیکی یاشلر، بر حکمته سندن شیلر در که، اونك داخلنده ویا خارجنده حرکت ایتمک، منافع اجتاعیه بی مغلدر. مثلاً؛ سن رشده واصل اولمایان بر چوجو غک اوزرنده بوشنك تأسس ایتمش اولان حق وصایای، زمانسندن اول اخلاص ایدمک ایسته نله دولتک احکام موجوده سی، وصایت عامه سی، بونك اخلاصه راضی اولماز. چونکو بو، ماملات ناسنده، سن رشديک ویردیکی کال فکری بی تأمین ایتمدن واقع اوله حق عمومی قاریشقلقلرک، سوء استعمالرک، دلیقانلیقلرک، اوکنی آلق ایچون، هیئت اجتاعیه نك تعنی تأمین ایتمک ایچون، دولتک کندی تصرفنه بالذات تابع طومقی ایسته دیکی ماملات دندر. «سن» مسئله سنده افراد، ایسته دیکی کی بن بویاشده مدیه کندی اختیار یله تصرفانده بولونه ماز. شمدیکی قانونلرک حال حاضری، افرادك ایسته دیکی زمان، کندی احتیاجی تحقق ایتمدیکی وقت، کندی نقطه نظرینه کوره لزوم کوردیکی زمان کیدوب، نفوس تذکره سنی تصحیح ایتمی حکمنی متضمندر، محتویدر. قانون جدید وسابق بو دأره دن طیشاری به جیقه مامشدر. حال بوکه تمدن بر مملکتنده «سن» مسئله سی کی بر مسئله نك، تصرفات فردیه به بر اقلیمی وارد وواقع دکلدر. ایسته بوسیدن در که — یته تکرار عرض ایدیورم — سن مسئله سی طابوسندی کی بر حجت، بر اعلام قطعیدر. اصل اولان، بونك خارجنده حرکت ایتمه مکندر. اگر فؤاد خلوصی بک ویا هیئت جلیله «سن» قیودینك، نفوس تشکیلات حاضر سنك حال حاضری و موجودی آراییلان وثوق و صحتی تأمین کافیدر؛ دیورلر سه بنده، بردن کوکه قدر طرفدارم که هرکسک طابو سندیه اوینماق نصل جائز دگله، نفوس تذکره سیله اوینماق امکانی ده کیمسه به ویرله سون. اگر بواسی، هیئت جلیله ده بولنده کورریورسه طوق قوتایم، حریه نظرانی، افرادك سن مقید یله سن حقیقیسی آره سنده تضاد واردر. اون ایکی یاشنده کی محمد، حقیقت حالده اون سکرز یاشنده در دیبه اون عسکره سوق ایدم بیلیمک صلاحیتی حائز اولما سون.

فؤاد خلوصی بک افندی، بو استثنائی معامله در بویوریلور. بوندن مقصد لرینی آکلایه میورم. استثنائی معامله دیمک، سفر بر لکک دوام ایتمدیکی سنلره ویا آیلره — ان شاء الله آیلرد — منحصر در دیمک ایسته بورلر سه، وقوع بولجق تعدیلاتک تأثیرات دائمه سنی اونونه رق

ماده : ۱۵۳ اجرا پولاری اون ویکرمی پارهلق و بر ویش ویکرمی بش واللی و یوز غر و شلق اشکال والوان مختلفه اوله برق مال صندوقزنده موجود بولند بریلیر .

رئیس — بر مطالعه واری اقدم ؟ برنجی مذاکرهسی کافی کورنر لطفاً ال قالدیرسون : کافی کورولمشدر .

ماده : ۱۵۴ مبالغ معینتی حاوی اطلاعات و وثائق سائره مک اجراسندن دولای خنسی ممجلاً و متباقیسی حین تحصیلزنده آلتیق اوزره محکوم بیک یوزده ایکی یجنی نسبتنده خرج استیقا اولنور آتیج مهر وفقه اعلامتیله موازنه عمومیه دولته داخل دواثر رسیمه طرفندن تنفیذی طلب اولنان اعلاماندن معجل خرج آلتیایوب خرج اجرا تحصیلات وقوع بولدیقه آلتور .

رئیس — بر مطالعه واری اقدم ؟ امانوتیلیدی اقدی (آبدین) — وار اقدم . هیئت محترمه به

بالکتر شوراسنی عرض ایتمک ایسترمکه ویرکوزک اسننک دیکشمه سیله ماهیتی دیکشمز . عینی مالدن ایکی دفعه ویرکو آله حق اولورسه حقتی بر ایش اولماز . بوسورتله ، هم حقیقه ویرکواولماز و همده حقسزلق ازاله ایدلش اولماز . بر عقارک قیدینک تصحیحی ویاخود بر کیسمهون دیکر شخص نامه اجرای فراخی دفتر خاقانجه پک بویوک مصارفی موجب اولور . بر دفعه تراکم ایش ویرکوزری آلتور . بالآخره برده معامله فراغیه خرجی آلتور . شمدی بو دعوالردن یوزده ایکی یجقندن اجرا دارهسندنه خرج آله حق اولورسه حکومت نامه اوعقار حقندنه اعلامک اجراسندن دولای ایکی دفعه بر ویرکو آلتش اولورز . بریسی یوزده ایکی یجق ، دیکری یوزده بوقدرور . بناء علیه دیکر دعوالره نسبتله بویوک بر نسبتسزک وحقسزلق اولورورورده املاک اوززنده کی اعتبار مالینک زوال بولاستنده سبب اولور . ناصلکه آله حق دعوالزنده بالکتر پاره مک تقسیمندن بر ویرکو آلتیور . باشقه ویرکو آلتیایورسه ، اگر اعلامک اجراسی ایچون عقارکده فراخی لازم کلیرسه یا دفتر خاقانجه آلتیایوب لازم کلن ویرکو آلتیایوب ویاخود دها دوغریسی اجرا دارهسندنه او عقار حقندنه بر قرارنامه ویرلمهسندن دولای بالکتر مقطوع خرج آلتیق لازم کلیر . تکلیفم بودر .

رئیس — انجمنجه ، حکومتجه بر مطالعه واری ؟ عدلیه ناظری نامه امور حقوقیه مدیری عبدالرحمن منیب بک — اقدم ، بوماده اموال غیر منقولیه مائد دکلدور . دوغریدن دوغری به مبالغ معینتی حاوی اولان اعلاماتک احتوا ایش اولدینی مبالغتک حین استیقاسنده آله حق خرج اجراه مائدور . بوسیله ایله بالکتر بر نقطه ی عرض ایتمک ایستیرمکه : شمدی به قدر رسم تحصیل ، بالکتر مدیونه حق رجوعی اولماق اوزره دابندن استیقا ایدلیدیکی حالده بومادهه مسئله ، مسکوت عنه بر ایلش اولیق اعتبارله آله حق اولان رسم تحصیل ایله داینسک مدیونه حق رجوعی

بویوکن مطلع اولدق . حال بوکه — یکن سنهده تقصیلاً عرض ایتمشدم — بویوکن بونده کی مشکلات ، محاکمک بالضروره تعقیب ایتمک مجبور اولدقاری اساساندن وقوعه کلن تأخرات ایدی . مسئله ینه بوراده بدایت محاکمه ویرلدیکی حالده بوقانونک بلکه تعدیلنده لزوم قالمیه حقندنه اونک ایچون ، عدلیه انجمننک تکلیفی وجهله ، بوقانونک قبولیمی ویاخود بولایجه نک کری آلیمنسی می موافق اولماسی لازم کله چکنی دوشونمک ایچون بولایجه نک کله چک مذاکره به تأخیری رجا ایدرم اقدم . (پک اعلا صداری)

رئیس — بوده ایکنجی مسئله متقدمه اولدی اقدم . لایحه قانونیه اولدینی ایچون ، نظامنامه من موجبجه ، حکومت هر هانکی بر لایحه یی مذاکره نک هر هانکی بر صفحه سنده اولورسه اولسون ، استرداد ایده بیلیر . حال بوکه شمدی استرداد دکل ، برهفته ایچونمی یوقه کله چک مذاکره به تأخیریسی ایستیرورسکز ؟

میر آلائی بیج بک — کله چک مذاکره به تأخیریسی ایستیرورم اقدم .

رئیس — حکومت ، لایحه نک کله چک مذاکره به قدر تأخیریسی تکلیف ایدیرور . موافق صداری) بوسورتله مذاکره سنک تأخیریسی قبول ایدنر لطفاً ال قالدیرسون : مذاکره سی تأخیر اولوندی .

— اوپوره لغزرتیک رسم استه موکند وار قرارنامه

رئیس — ۳۶۸۵ نومرو اقدم . روزنامه صرهسجنه بو ۳۶۸۵ نومرو لی لایحه نک مذاکره ایدلهسی لازم کلیرور . اوپون کاغذلرتیک رسم استهلاکنه مائدور .

صادق پاشا (مرسین) — حکومت مأموری یوق . رئیس — حکومت مأموری حاضر اولدینی تقدیرده مذاکره سه باشلاز . باقدر بیورم اقدم . اولمازسه مذاکره سی تأخیر ایدرز . وقتمز قیمتداردر . اونک ایچون کیچم . حکومت مأموری کلیر ووقتمز مساعد اولورسه مذاکره ایدرز .

اجرا قرارنامه سنک بقیه مذاکرانی

رئیس — اجرا قانونی مذاکره ایدم . آلتنجی بابده قالدیق . ۱۵۲ نجی ماده یی اوقویکیز اقدم :

آلتنجی باب

دائرة اجراه آله حق خرج و اجرتلر خندهدر برنجی فصل

رسی خرجلر بیانندهدر

ماده : ۱۵۲ دائرة اجراه آله حق خرجلر نوع و قیمتاری معین اجرا پولاری مقابلنده استیقا اولنور .

رئیس — بر مطالعه واری اقدم ؟ ماده نک برنجی مذاکره سی کافی کورنر لطفاً ال قالدیرسون : کافی کورولمشدر .

اولان نفوس مأمور لربنك خصوصتی قبول ایتمکله ومدعی عمومینک حضور بنه لزوم کوسرتمکله، وجهتی ده تأمین وتکفل ایتمشدر. بوتقطه نظر دندنه اون برنجی مادهده برقصان یوقدر ومثال اولهرق تمعاد بوپوردقلری مسئلهلرده عرض ایتمک که، علاقهدار اولان افرادک مراجسته، اون برنجی ماده مساعددر. یالکنز حقوق عمومیه بی تأمین ایتمک ونفوس ماملاتنک انضباط وانتظامنی تمهد ایتمکله مکلف اولان حکومته، رأساً بوپولده مراجعت ایتمک، تصحیح سن دعواسی اقامه ایلمک حتی « ۱۱ » نجی مادهده ورلماشدر. شمدی بوحقه لزوم وارمی یوقی؟ بو، بر مسئله دروبویکی برتکلیفدر. بوندن طولا یلیدر که یالکنز سفر برلک زمانه منحصر اولوق وبر ضرورت عسکریه مستند بولوق اوزره تکلیف ایدیلان شو لایحه نیک انشای تدقیق ومذاکره مستنده، بونک عمومی ودائی بر شکل وقالبه افزائی، ظن ایدرم که ناممحل بر استعمال اولور ومستعمل اولان بر مسئلهیه، هیچده مستعمل اولیان ودها زیاده مهم وحقوق افراده دها زیاده حازتائیر بر کینتی قاریشدر برق دمک اولور، بز بوفکرده بز. مع مافیه هیئت جلیله ایترسه ولی بک اتقدینک تکلیف لاری، مجرد برتکلیف اولهرق لایحه انجمنته حواله ایدر. ایترسه تکلیف ایتمک لری شکل ضبط مزک زبرنده عیناً مندرجدر، بز کمترینک قبول ایتمک لری شکل، اوشکلنی ترجیح ایلوب هیچ بر انجمنه کوندرمه دن دخی قبول ایده بیلیر. هرا یکی حالدهده تأخیر مذاکره بولنده عبدالله عزمی افندی برادر مز طرفندن واقع اولان تکلیفک بولنه محل یوقدر فکرنده بولونیورم. بوقه هیئت عمومی ولی بک اتقدینک تکلیفی بر تبدیل تکلیفی عد ایلوب قبول دخی بوپوره بیلیر، هیئت عمومی نیک صلاحیت واسعه سنی هیچ برشی تحدید ایده مز.

عبدالله عزمی افندی (کوتاهی) — افندم، اصول مذاکره حقتده سوله به حکم. معلوم حالیری اولدینی وجهله بو، بر مسئله متقدمدر. بناء علیه مذاکره نده بو دائرهده جریان ایتمه سی اقتضا ایدر. ولی بک اتقدینک تکلیف لرنده، بر اعتراضنامه ویانمدیلنامه شکلنده قبول ایلسون ومذاکرهده او بولده جریان ایلسون دیورلر. بنده کزک مقصد، مذاکرانی تأخیر دکل، بر حقیقی میدانه چیقاروق و پاییلان بریشی تامیله یاقمدر. چونکه المزدک نفوس قانونه کوره بر شخص، عسکرلک نقطه نظرندن « ۱۷ » وماملات مدنیه جهتندن اون بئش یاشنده عد اولونه حق.

رئیس — اصول مذاکره به دائر سوله به جکدیگز؟
عبدالله عزمی افندی (کوتاهی) — اصول مذاکره حقتده سوله بورم. نتیجهی اورایه کتیره حکم. بناء علیه بنده کزک تکلیف، تأخیر مذاکره دکلدر. بونک لایحه انجمنته کینتمه سنی تکلیف ایتمک لکم، مراسمه رعایت ایتمک ایچوندر. اگر بونی هیئت جلیله، تعدیلنامه شکلنده قبول ایدرسه بنده کزک اونده قبول ایدرم. مقصدم تأخیر مذاکره دکلدر. سوه تلقیده بولوندیلر.
رئیس — اما تو لیدی افندی سوز سز کدر. ذات طابکزدن رجا

ایدرم، اولایشک هیئت عمومی سه کیریشلمیبرک بیان مطالبه بوپوریکز. عبدالله عزمی افندی برادرینز، ابتداء برتکلیفده بولوندیلر وتکلیف لرنده بو، یعنی ولی بک تکلیفانی، اصولی دائره مستنده لایحه انجمنته کینسون، اوراده تدقیق ایلسون، بررایه کلسون واوندن سوکره بولایحه قانونیه مذاکره ایلسون، دیدیلر.

فؤاد خلوصی بک (آنطالیه) — او حالده بنده کزک سوه تلقی انجمنتم. مقام ریاست جلیله دندنه مسئله بو بولده موضوع بحث ایلدی وبنده کزک سوه تلقی اسناد ایچلری دوغری دکلدر.

رئیس — اما تو لیدی افندی بوپورک، بو دائرهده سوله به ییکز. اما تو لیدی افندی (آیدین) — او حالده سوله به جک چوقوشی یوقدر افندم. ولی بک افندی طرفندن واقع اولان تکلیف ابتداء واقع اولوش بر تکلیف دکلدر. بوکی تکلیف نیک اول بول لایحه انجمنته کینتمه سنی لزومی قبول ایده جک اولورسه او وقت مذاکرهده مبعوثلرک سربتسی بوتون بوتون مختل اولوروقو اینک مذاکره سیه ده قابل اولماز. مادامک ولی بک افندی رأساً برتکلیف قانونیه بولنماش ویالکز موقع مذاکرهده بولونان لایحه قانونیه مناسبتیله بر تبدیل تکلیفنده بولونوب لایحهده خصوصی اولاروق مندرج اولان بر حکمک عمومی شدر برلنی طلب ایتمشدر، شو حالده بوندیل تکلیفی انجمنده تدقیق ایده بیلیر، هیئت عمومی ده بونی بوراده مذاکره ایده بیلیر. لایحه انجمنتنک باشقه بر مضطه سته لزوم یوقدر.

رئیس — شمدی افندم، مضطه ده، منظور حالیری اولدینی وجهله، عدلیه انجمنتنک اکثریت تکلیفه قارشو ولی بک برادرینزک برتکلیفی وار. بو تکلیفک، برتکلیف مجرد عدلیه لایحه انجمنته تودیلی ویاخود بو تکلیفک، بولایحه قانونیه نیک معدلی عدلیه، یعنی بر تعدیلنامه اولهرق هیئت جلیله جه نظر اعتباره آنجاسی جهتلری واردر که بونلری رأیکزه عرض ایده حکم. بناء علیه اولای بک برادرینزک بو تکلیف لاری برتکلیف مجرد تلقی ایدرک لایحه انجمنته حواله سنی قبول ایدنلر لطفاً ل قادر یسون:

لایحه انجمنته حواله سی قبول ایده مشدر افندم.
لایحه انجمنته حواله سی قبول ایده دیکی تقدیرده هیچ شبهه یوقر که بر تعدیلنامه در، صرعه کلدیجی وقت اونده رأیکزه عرض ایده دم. بوپورک بیسیج بک افندی، قانونک اساسی حقتده سوز سوله به جکسکز. حربیه نظری نامه اردو دائره سی رئیس معاوی میر آلالی بیسیج بک — افندم، معلوم حالیریدر که بوقانونک تنظیمنی ایجاب ایترندن اسباب، سن مقیدلرله شخصلری متناسب اولمایانلرک عدولربنک کونندن ایلری کلشدی. قانومک حین تنظیمنده بونصیجک افرادک حقوق سائره سته تعاقی اوزون اوزادی به دوشونلدی وبوندن دولای حکومتک تکلیفنده بونصیجک عسکرلکجه مؤثر اولماسی وحقی بونلرک ییاقجاری خدمت عسکریه نیک ایلریده محسوب ایده سنی جهتلری دوشونیلشدی. سوکره داخله وعسکری انجمنلرنده بونک هر شیئه مؤثر اولماسی صورتیه تعدیلات یاپیلدی. عدلیه انجمنتنک تعدیلاتنه

شبهه یوقدر ، او صورتله قبول ایده‌جکدر - قبول اله‌دیگی قدرده بش‌غروش یوز‌غروشه چیقارماک که بومنکرانک اوکی آلتش اولسون . بناء علیه بو صورتله قبول ایده‌جک اولورسه کز مملکتک اخلاق عمومی سنک تصحیحه خادم بویوک بر قرار اتخاذا ایتش اولورسکر . حاجی محمد امین بک (موصل) - معلوم یالکیزدرکه بر ملتک بر هیئت اجتماعیه‌نک یاشاماسی ، بر حکومت و دولتک حق بقاسی ، از جمله ماللرینک فکرلرینک ، شاعرلرینک قلیلرینک ، کنجلیرینک قانلرینک ، زنجیلرینک آلتولرینک ، قادیلرینک کوز یاشلرینک ، چوقولرینک بابل سسلرینک دیرلسته توقف ایدر .

اگر صنوف اجتماعیه داخلنده بوفدا کارلقلر یاپیلمايه‌جق اولورسه اوملت ودولت ایچون حق بقا تصور ایدله‌من . مملکتک سینورلی درن یارار کی قانادینی ، یتیم و طوللرک آچلقدن اولومه محکوم بولوندینی ، اوجانلرک ایصسز قانادینی ، میدلرک قاپولرینک و بخره‌لرینک اورویجک باغلا دینی برصرده قومار ماسالرینک باشلرینه کهرک بیکلرجه لیرالره کاغد آچق (بر اوو صداسی) ملت و مملکتک مروض اولدینی سفالت و مصیبتلره قیدسزلقدرکه بونلر ، بزم اجدادبزک وارث فضائل اولمادینی بزه قارش کوسه‌ریبور . (آفتشلر) بن بوکون سوکیلی وطداشلردن اون دله‌رم که کرک حکومتزک ، کرک ملتزک سوک درجه یار دیمه محتاج اولدینی بویه برکونده اوامسالرک باشنده دوکوله‌جک پارله‌ریاهلال احمرجمیته ویرلسون و او یارلره یارالیرمزک صارغیلری یاپیلسون و یا خود حکومتزه تبرع ترک اولونسون و اونکله آله‌جق دانه‌لره دشمنلرک باغیرلری ده‌لیسون و یا خود او بویولری بوکولش ، بون کوزله‌بن یتیم و طوللرک مائه‌لرینک قاپیلری چالینه‌رق اولنره اوزاتلسون .

اعتقاد مجهدینک ، اخلاقک ، ناموسک ، حقک و عدالتک حضورنده موجودیت کوسه‌رمه‌بن تکلیفلر ، قانونلری احتوا ایدن هیئت محترمه طرفندن قبول ایدله‌ملیدر . هیچ اولمازسه اونلر درلو درلو قیود ایله اشکال ایدله‌لی و بویولده‌کی حرکات تحدید اولومالیدر . بناء علیه بنده کز کرک بونک و کرک بوکامائل تکلیفلرک قبولی علیهنده‌یم . شفیق بک (استانبول) - انقدیلر ، بندن اول سوز آلان رفقای کرامک سوبله‌دکری سوزلره ، بنده کز دکل ، همیز اشتراک ایدره‌ز . یالکیز امین بک انقدینک سوبله‌دیگی شوسوزلره بنده کزی دکل ، جمله‌مزی غشی ایتدی . لکن کندیلری امین اولسونلرکه قومار دینیلن منحوس شیشی ارتکاب ایدنلرک قلیلری ، اونلداد ایتش اولدقلری شیرک هپسندن ، دوغمشدر . چونکه بونلره تأثیرات اجرا ایتک ، اونلرک قلیلری اورایه میل ایتدیرمک ممکن الاجرا دکلدور .

کله‌م شو ویرکویه : بنده کز ، رفقای کرامی ، بو خصوصه بر پارچه تنور ایتک آرزوسنده بولونیورم . شو قومار مسئله‌سی بیلمم دیمک افتخار ایتمکدر . بنده کز هر شیه مراق ایتدیکم کی بونلری ده سوروب آکلانمه مراق ایتتم . استقبیل کاغدی دینیل شی مطلق قومارده قوللا نیلیر و بونک درجه‌سی درتدر . یالکیز شونی

اسان اوتیک انقدی (ازبیر) - اوکا قلوب دیرلر . شفیق بک (استانبول) - خایر انقدم . اورایه کله‌جکم . مباح قسمته داخلدر . فقط بو قومارخانلر دایما ضابطه‌نک ترصدی آلتنده‌در . ضابطه ، بویولره کیملرک کیردیکنی ، کیملرک جقدیفنی دایما تحسین ایدر . چونکه بویولره دوام ایدنلر ، اراقلدن و جانی قسندن عد اولونورلر . بویولره او یون ، قانوتاً ممنوعدر . ضابطه بویولری باصار ، بونلری کاغدلری ، پارله‌لره طوتاروبونلری مستحق اولدقلری جزایه چاریار . بونلرک فوقنده برکیرا اجتماعیه‌واردرکه بواجتماعه‌کده «قلوب» دیرلر . ظن ایتیمک اورالده باشقه‌رشی اولویور ؟ ینه او یون ، پوکرمی دیبورلر ، نه دیبورلر ، سز تصحیح ایدک ، اونی اوتینورلر . یالکیز بویایه دوام ایدنلر اورایه مسافلانره قیرمه‌بورلر . اوتوموبیللره کلپورلر . دایما بواجتماعه‌کهرک قاپولرینک اوکنده اوتوموبیللر بکه‌بور . دیمه یورمک بویایه دوام ایدنلر هپ قومار اوتسارلر ، خایر . لکن بویولری هر برتدقیقندن ، تحقیقندن ، تحسیندن مصوندر . بویولره نه دونیور ، بیلورمیسکر ؟ بونی آکلامق ایچون آله‌ده‌کی قلوبک مانوسته باقکر ، ایترسه کز بک اوغلنده‌کی قلوبک رسم دفتربنه باقکر . او وقت اورالده به‌بارلرک دوندیکنی آکلارسکر . اویونخیلر قلوبه پاره‌نک بوزده اوتی ترک ایدرلر . کبجده بیک لیرا ، بیک بش یوز لیرا ، ایکی بیک لیرا غیب ایدیلر ، قازانیلیر . اونک ایچون بویویون کاغدلرینه ، صفوت انقدی برادرمزک و آغا اوغلی احمد بک انقدینک سوبله‌دکری کی ، الهی غروش ، یوز غروش دکل بش یوز غروش رسم وضع ایتلی . چونکه بو کاغدلری عملکته سوقاق قابل دکلدور . بویه فضله رسم آلقله یالکیز برنجی صنف ، بو کاغدلری اوشاقمندن منع ایدله بیلیر . دیگر ایکی صنف منع اولونماز . محله قهوه‌لرنده ، کوی قهوه‌لرنده طبیی بو کاغدلری پوکسک فیثانه آلوب اوتیناق قابل اولماز . بورسم ایله بو بیجاره‌لری کاغده اوتیناقمندن ، قوماره آلیشمقندن قورنارمش اولورز . قومارک مضرکی شخصه مائد دکل ، عمومه مائددر . اگر قومار اوتیناقنلر مأمور ایسه ، طبیعدرکه قائب ایده‌جکلری پارلری غیب مشروع صورتده تدارک ایده‌جکلردر . اگر نبحار ایسه نتیجه‌سی احتکاره و اراجقدر . باخصوص شو زمانده ، خارجدن ، داخلدن کیسه‌نک خاطرینه ، ینه اوتوز ایکی ببحارلردن بحت ایتک ایسته‌دیکم فکری کله‌سون . فقط اونلردن ،

اوله جقدر . یعنی سائر خرج اجرائله رسم تحصیل آرسنده برفرق بر اقلمش دکلدنر . تحصیل تحت حکمه آنان میلنک استیفاسی امرنده اجراه وقوع بولجق مزایدله ابله بر عتقارک فروخته لزوم کوریله جک اولورسه بو عتقارک فروختندن دولای بر خرج آلتیور . یالکز پاره نیک تحصیلندن دولای بو پاره آلتیور . عتقارک فراغی معاملهسی ، ذاتاً آریجه ، احکام مخصوصه یه نابدر بونک ایچون آریجه اجر قانونده بیجه حاجت یوقدر .

رئیس — بک اعلاء امانوئیدی افندی بک تعدیلنامهسی لطفاً اوقویکیز :

عقاراته متعلق اعلاتدن مقطوع خرج آلتیاسی صورتله ماده نیک تعدیلی تکلیف ایدرم .

آبدین بیور
امانوئیدی

رئیس — تعدیلنامهسی نظر دفته آناندر لطفاً ال قالدیرسون :

نظر دفته آناندر لطفاً ال قالدیرسون :

تردد ایتدک اقدم . نظر اعتباره آناندر لطفاً آباغه قالدسون :

نظر اعتباره آلتاشدر .

ماده نیک برنجی مذاکره سی کافی کورنر لطفاً ال قالدیرسون :

کافی کورولشدر اقدم .

اوبونه کاغدرنیک رسم امره کوز دائر قرارنام

رئیس — مایه ناظری جاوید بک افندی کلدیلر . اویون کاغدرنیک رسم استیلا کنه دائر اولان قرارنامه نیک مذاکره سنه باشلا بیلیرز . هیئت عمومی سی حقنده بر مطالعه واری اقدم ؟

آقا اوغل احمد بک (قره حصار صاحب) — افندیلر ! اویون کاغدی اوزرینه رسم وضع ایدرک بو کچی شیرلی جدی بر منیع واردات حد ایتمکی ، طبیی ، جدی بر دولت و کندیسنه حرمتی آرزو ایدن بر حکومت قبول ایتمز . اویون کاغدی کی شیر ، مجبوری بر فسالندر . بو فسالندن یالکز حکومت مملکتی ماده استفاده ایتدیرمک چالیشیر . فقط بو استفاده ده ، دائمی ممنوعیت ماهیتی حائر اولمالیدر . اگر بوماهیتی حائر اولمازسه وورکو وضع ایدیلن منیع بر منیع حیات ، دولت ماکنه سنک چورلمسی ایچون بر منیع کی تلقی ایدیلیرسه اووقت اخلاق عمومی سی فایت وخیم بر تهلکیه معروض والبتکه مملکت ودولت ، اساس اعتبارله ، بوبله بر ویرکوبی قبول ایتمز . بناء علیه اویون کاغدی بو کچی شیر اوزرینه وضع ایدیلن رسملر فرانسوزلرک « پروتی تیف » و یا خود ممنوعیت ماهیتی حائر بر منعی قضن ایتمه لیدر . بنده کوز ظن ایدیورمک ناظر بک افندی حضرتلری ده بو قانون لایحه سی قدیم ایدرکن عینی فکرون ملهم اولمشدرده . زیرا سوک زماندرده مملکت مزی بر قومار بلیه سی استیلا ایتمشدر و بو قار بلیه سی طبقات اجتماع مزی یواش یواش کیرمک باشلامش و بر درجه بکشدرکه حقیقه ساری بر خسته تلقی شگنی آلمشدر . بو خسته لقه مبارزه ایتمک همیزک وظیفه سیدر .

بالحاقه مملکتی اداره ایدن حکومتک اک برنجی وظیفه لرندن بریسه ده

بو اولمیدر و ایفته تودیع ایدیلن قانون ، بوساری خسته لفه قارشی آجیلان مجادله نیک برنجی اولمیدر . کواکل ایسترکه اوماهیتی بو قانون کندنده طاشیون . فقط مع التأسف وضع ایدیلن رسمک پک آز و پک خفیف اولماسی قانونی بو ماهیتدن محروم ایدیور . قانونده اویون کاغدرینه وضع اولونان رسمک مقداری بش غروشددر . بو بش غروشی بنده کز کافی کورمه یورم . بو بش غروش رسم ، اویونه ممنوعیت ماهیتی ویرمه یور . یعنی آرزو اولونیورکه بو ویرکو بر درجه قدر تزیید ایدیلورده بو ممنوعیت ماهیتی بو وضع اولونان ویرکوبه ویرمه یور . بناء علیه بنده کز هیئت علیه کزه بر تقریر قدیم ایدیورم . بو تقریرمده بش غروش برینه ، اون کره بوکسه ته رکه ، الی غروش تکلیف ایدیورم و بنده کز قانونک بوبله بر ممنوعیت ماهیتی طاشیاسی آرزو ایدیورم ، ماده کلدیکی وقت طبیی تقریری قدیم ایدرم .

شیخ صفوت افندی (اورفه) — سفینه کاغدرنیک رسم استیلا کنه دائر اولان لایحه قانونیه نیک مذاکره سی آتاشنده « ۱۰ » نخی ماده ، قانون اساسی یه تماس ایدوب ایتمدیکنه دائر بر جوق مذاکره نتیجه سنده برقراره اقتزان ایتمشدی . بو اویون کاغدری حقنده کی رسم استیلاک لایحه قانونیه سنک ، قانون اساسیمزه تماس ایسه دها مهمدر . معلوم طالب ایدرکه قانون اساسیده « دولت علیه نیک دینی دین اسلامدر » و « ذات حضرت پادشاهی حسب الخلافه دین اسلامک حامیسیدر » دیه معروشددر . اویون کاغدرنیک واسطه اولدینی قومار ایسه قانون اساسی آلتی اولان قرآن عظیم الشانک نصوص قاطعه سیله محرم و منکردر . خلافت عظیمی اسلامیه ابله مفتخر بولونان بر حکومت اسلامیه نیک اک برنجی وظیفه سی ، بو کچی کباری ، منکرانی منع ونهی ایتمکدر . بنده کز بولایحه نیک اسباب موجب منعی مطالعه ایدرکن قومار او بونلیرنیک منعی دائر اتخاذ ایدلش بر تدبیر اولق اوزره اسباب موجب مضطه سنده هیچ برفقره کورمدم . یالکز ، بر منیع واردات بولق اوزره کوسترلش اسباب موجب دین عبارتدر . حال بوکه کرک حکومت سنیه و کرک هیئت جلیله کز بولایحه قانونیه ابله ، قومار کی منکرانه قارشی بر تدابیر مانعه اولق اوزره رسم وضع ایدیلیر ، نظریله یاقوب او بولده مذاکره ایدر و بر قرار ویریرسه او وقت نه قانون اساسیمزه مخالف بر حرکتنده بولونمش اولورزه ، نوده احکام دینی مزی اخلال ایلیمش اولورزه . ایسته بنده کز بوجهی هیئت علیه کزک نظر دفته هر ض ایدیور و اسباب موجب منعی اولق اوزره بولایحه نیک یالکز ، تدابیر مانعه دن اوله رق قبولی رجا ابله یورم . یوقه مجرد خزینه یه بر واردات تأمین ایتمک اوزره قبول ایدوب ، قومارک ، اویون کاغدرنیک استمالنک حل و حرمتی نظر دفته آلازایسه ک اووقت نه قانون اساسی یه رعایت ، نوده قانون اساسیدن دها مقدس ودها یوکسک اولان قانون آلتی یه حرمت ایتمش اولورزه . (جوق دوعری صدرلی) بناء علیه احمد بک افندی ک فکر لینه ، مطالعه لرینه تمایله اشتراک ایدیورم . هیئت جلیله کز تدابیر مانعه اوله رق — که هیچ

نظر ايتك لازم كليز . دنيله بيليركه بويه مهم برستهده خزينه دولت آلتش بيك ليرادن واز كسون . حقيقه آكر اويون كاغذلر بيه يوز غروش رسم وضع ايتككه خزينه دولت وارداتندن محروم اوله جن فقط ديكر طرفدن بگه نيلن فايه حصوله كله جكسه . اوت ، بوده مناقشه ايديليز بر مسئلهدر . فقط بنده كنز قطعياً ظن ايتيه بورمكه رسمك زياده لي اويون كاغذلرينك استعمالي تزيل و تحديد ايتسون . بالهكس كاغذلر خيلاق اوله رق كله جك . خيلاق اوله رق اويوناه جن ويلكده انسانرك فكري ايجاد و اختراعي قارشينسته طوره بيله جك هيچ برشي اولديقتن كاغذلرك برسته نه رجه استعمال ايده جك باشقه شاره مثلا معدن لوحه لر اقامه ايده جكدر . اولا بواعتبارايه ، تايباً اساساً بش غروش رسي قرار نامه ايده طرح ايتديكيزدن ، بوكونه قدر مملكتده موجود اويون كاغذلر دن بش غروش رسم تحصيل ايتديكيزدن بورسك تزييدي مناسب كورميورم . قرار نامه موقع مرعيته و تطبيقه در . هيئت عليه كجه تصديق ايده لكدن سوكره قانونيت كسب ايده جكدر . شيدمليك بو صورته دوام ايدهم . كرك مملكتك صرفيات و استهلاكاتي و كرك خزينه دولته كيره جك واردات اعتباريله برسته سوكره نتيجه معلوم اوله جقدر او نتيجه اوزرينه ده زياده و ناقشه مستند اوله رق بر فكر ايديله بيليرز . او وقت ايجاب ايديسه رسي تزييد ايتكدن اجتناب ايتيز . رفتاي كرامك كرك اخلاقي ، كرك وطني بو تون ملاحظه لرني قبول ايتككه برابر ضرورت احوال قارشونسته بو قانونك هيئت همويه سني قبول ايديوب ماده لرك مذاكره سنه كچكيزي تكليف ايديرم . (كافي صداري)

رئيس — هيئت همويه سي حقنده مذاكره بي كافي كورنر لطفاً ال قالد برسون :
مذاكره كافي كورلشدر .

يانكز حسين قدرى بك افندي آرقداشمنرك ، سيناره كاغذلري رسم استهلاك قرار نامه سنده اولديني كي ، عيناً اويون كاغذلري حقنده برقرارلري وارد . بناء عليه اوني ده اوقويه لم . اوقويكز اقدم :

احمالاً تخانه لردن چيفان اويون كاغذلر دن صرفيات داخله مخصوص اولالريه باندرول باعلاص ونلني و برك جيبه اخراج اوله جترك رسم استهلاك ايتسته كفايته ربط ايديلري و بو كفايتك ممالك اجنبيه حين اخراجده رسومات اداره لردن و بر به جك و نيه ايله مكي هم خيلاقني وهمده مامورينك اخلا ايتلش اولني هاهسيه ونوي طيبه و مكن اولان خلاف قانون تحريمانده بوللرني منع ايله چكندن قرار نامه ك اساس دائره سنده تعديل ايديك اوزره قوانين ماله ايجمنه اعاده سني تكليف ايديرم .

مسير ميوني فونيه ميوني قومي سي ميوني
سيدعبدلوهاب علي حيدر حسين مديري

ماليه ناظري جاويد بك (قلعه سلطانيه) — بو كاجت بو ظن ايديرم . مملكتنزه يانكز براعمالا تخانه وارد . اوده بخاره دن بالاستفاده اويون كاغذلرينك فيثاي بو كسك اولديني ايجون ، داخده اويون كاغذلي اعماله باشلامشدر . بو نك خارجنده هيچ بر اعمالا تخانه يوقدر و مملكتده استهلاك اولونان عموم كاغذلر ، مالك

كي دوام ايدير كيدر . شمدي به قدر بو خصوصه ايبيلان بر جوق تجربهل ظن ايديرم كه بوندن باشقه بر حالي كوستر مه مشدر .

احمد بك افندي نيك مطالعه لر نه كنجه : كنديلرينه جواباً هم فكر اولما ديغي سويله جكم . اكر ابي آكلامش ايسم بو بويرديركه ، كنديلرينه حرمت ايدين مملكتلر بو كي مواددن رسم اخذ ايتك و خزينه دولته واردات تايمين ايتك مقصديني تعقيب ايتزلر . اولسه اولسه بوندن « پروني تيف » بر فايه تعقيب ايده بيليرز . مع التأسف و قايل بو نك عكسي كوستريور . بوكون ، كندى كنديلرينه حرمت ايدين مملكتلرك هيسي بلا استئنا انكتره ، فرانسه ، آلمانيا ، ايتاليا ، بلجيقا بو تون دولتلر اويون كاغذلري اوزرينه رسم قومي احتياجني حسن ايتشاردرو اويون كاغذلرينه فاحش رسم قومي دوشونكيزي وقت ، آندن يه بر مدت كچيجه كرى دو نك ضرورت سي احسانلر در . كور مشردر كه رسم نه قدر فاحش اولورسه خزينه نك وارداتي اونسته آزالور . فقط ، اويون كاغذلرينك صرفياتي ناقص ايتيه بور . چونكه اوزمان هر كس خيلاقنه رغبت ايدييور . بر قومار بازي اخلاقسز لني يانده برده خزينه دولتن مال قاچير كي كي ايكيجه براخلا سزلق انضمام ايدييور ، حقيقه اويون كاغذلر نه ، خيلاق مسته سي هر هانكي بر مملكتك ايتاينسيقنه باه جن اولورسه لئز مهم برول اويونايديني كورورسكز . نفوس همويه سي اله ، اله بش مليون راده سنده اولان مملكترده واردات همويه طقسان بيك ، يوز بيك ، يوزاون بيك ليرا آره سنده توج ايتككده در . نه آلمانيا ، نه انكتره و نه ده فرانسه هيچ بروقت اويون كاغذلي رسني يوز بيك ليرادن زياده چيچار منه مقتدر اوله مامشدر . بز بو قانوني يايغي دوشونديكيز زمان ، طيبه و يوركونك مقدارني نظر اعتباره آلدق و وير كويي « بش » غروش اوله رق تعيين ايتك سبب مختنده در . « بش » غروش وير كو حد ذاتده ظن ايده ليكي كي دون بر وير كو دكلدر بوكون آروپايك بوتون مملكتنزه جاري اولان مقدار دن زياده در . سوكره ، وير كونك مطر حنك يوزده درت يوزي ، بش يوزي نسته در وير كو ديكمدر . چونكه علي ماده اويون كاغذلري فرق باره يه ، آلتش باره يه ، ايكي غروش سايلير . بو كاه بش غروش رسم وضع و طرح ايتك ، ماده بي قيمت اصليه سندن درت ، بش مثلي رسمه نايع طوق ديكمدر . في الحقيقه ثابت مزين اويون كاغذلري ده وارد . دسته سي بر غروش دكل ، اون غروش ، يكرمي غروش سايلان اويون كاغذلري ده وارد . اونلري ده عيني رسمه نايع طويورز . فقط ، بو در مجبوريه تختنده در . چونكه اونلري ده عيني مقدارده رسمه نايع طوييه جن اولورسه ق مختلف اويون كاغذلرينك جنس لري تعيين ايتك كي بوظيفه بي كورمرك مامورلرينه تحصيل ايتك مجبوريته قاليورز . بالخاصه تر فه اصولده ، بو ك تطبيقي مشكل اوله جنني تسليم ايديرسكز . بو نك ايجوندر كه اويون كاغذلرينه وضع ايتديكيز رسي « بش » غروش اوله رق تعيين ايتك . بو ني تزييد ايده جك اولورسه كنز ، اون غروش و يا خود بصنيلرينك تكليف ايتكيزي كي اله ، يوز غروش چيچاره جن اولورسه كنز خزينه دولت ايجون بو واردادن صرف

مملکت مزده مرضی برحال کسب ایتش اولان قار بازارنه ، او یونجیلغه ، نهایت ویرلسنی همیز آرزو ایدرز . فقط دیگر طرفندنده شبهه یوقدرکه ، حکومتک قوت و قدرتی مملکتده او یون اوینامق ایسته بناری ، او یون دن منع ایتمک کافی دکلدر . حکومت ، یالکز بر قسم خلقه ، اوده کندینسک زبر اداره سنده بولونان مأمورینه حاکم بولونور . مأمورینک احوال و حرکاتی تحت تقیثش و ترصدده بولوندره بیلیر و بولوندریمق وظیفه سیدر . فقط بونک خار جنده افراد اهلینک قار اوینامقاری منع ایتمک قدرتی حکو- متراده یوقدر و هیچ بر حکومت ، شیمیدی قدر بونی منته موفق اولماشد . بونی منع ایتمک اوزر اشق بیهوده زمان غیب ایتمک دیکلدر . او یونک منی ، اخلاق عمومی نیک اصلاحی ایلر اولور . اخلاق عمومی نیک اصلاحی ایسه ، هر کسک کندیندوشن ارشاد و تنبیر و وظیفه منی یا به سببه حصوله ظیر . حد ذاتده منع ایتمک ممکن اولمایان و عینی زماندهده مکیفاندن اولان بر شیئه حکومتجه بر رسم وضع ایتمک مناسبیدر ، دکلدر ؟ سؤالی وارد اولور . شبهه یوقدرکه حکومت ، بو کونکی احتیاجلر قارشینده هر نوع مکیفات و مزینات ویرکولری تأسیس و تزئید ایتمک مکلفدر . دون مذاکره ایندی کیمز قانون ، مکیفاته متعلق بر قانون اولدینی کی بو کون مذاکره ایندی کیمز قانونده مکیفاته متعلق بر قانوندر . هر هانکی بر ویرکو طرح اولدینیکی زمان ایی قسطه نظر موجود اولور . بری ، ویرکودن ممکن اولدینی قدر فضله حاصلات آلتی ، دیکری ده احمد بک افندینک دیدکری کی « پروتی تیف » یعنی مطرحک استعمالی بوس بوتون منع ایده جک بر ویرکو قویهرق منفعت خزینتی بر طرف ایدوب یالکز منفعت اخلاقیه ایله اشتغال ایتمکدر . حقیقه مکیفاندن اولان بر ماده یوکسک ، فاحش بر رسم وضع ایتمجه بویکی نتیجه دن بری چیقاجقدر . یا اویوکسک ، فاحش رسمه رعناً یته مکیفاندن اولان ماده نیک استمانه دوام ایده جک ، یوقدریده خزینته دولت مهم بر واردات آله جقدر . یاخود اویوکسک و فاحش رسم او ماده نیک استمانه مانع اوله جقدر و یا استمانتی تحدید ایده جکدر . یوقدریده خزینته دولت انتظار ایندیکی وارداتی قسماً بوله جق ، قسماً بوله میه جق . فقط ، بو صورتده دیگر طرفندن مهم بر منفعت اخلاقیه حاصل اوله جقدرکه اوزسک موضوعی اولان ماده نه ایسه او ماده ، تماماً یاخود قسماً اورتدن قالمش اوله جقدر . بنده کزکنا قنا عتمجه فاحش رسملر ، منع ایتمک ایسته ن شیلیری منع ایتمک مقتدر دکلدر . رسم ، فاحش اولونجه بونی اعطا ایتمک ایستیمین بر جوق کیمسه لریک او ماده نی استمالدن صرف نظر ایده جکلری وارد خاطر اوله بیلیر . - اگر قنا قنا قنا اولاسه - فقط ، مع التأسف قنا قنا قنا بالخاصه فاحش رسملرله شدته حکم فرما اوله جفندن دولای ، هر هانکی بر ماده وضع اولونه جق فاحش بر رسم ، او دن انتظار ایملین وظیفه مانعنی ایضاً کفایت ایتمز . رسمک یوکسک مقداره اولسی خزینته دولتی اضرار ایدر . چونکه خزینته ، اگر رسم دها متدول اولسه بدی استحصال ایده جکی واردات نه ایسه او دن محروم قایلر . فقط ، او ماده نیک استعمالی اسکیمی

بخت ایتمک اقتضا ایدییور . اولنرک اوتوموبیللری کوریوروم . بڑکه اولجه تجاری ایدرک . قوماز اوینامق دکل ، لک کوچوک اسناقندن لک معتبر تجاره قدر قومیسون خانک بر قابوسندن کیروب اور قابوسندن چیقمدن توق ایدرک . چونکه اوراده هوا او یونلری ، قونولید اوزرینه معاملات جریان ایدردی . اگر تجاری قومیسون خاننده کورر لسه تجار بر لرینه خبرور لری ، دیرلردی که : احمد افندی بی بو کون قومیسون خاننده کورک . بوندن سوکره بو آدمدن حذر ایدک . چونکه بونک بو کونکی ترونسک ، یارین لندن چیقق احتمالی واردر . لکن شیمیدی ایش بر عکس . واقفا بر بارجه ایلری په کیدیورم ، فقط معذور کورولسون . شیمیدی شرف او راده . نه موطنی او آدمه ، بیلیم نه زاده په که اوراده بش بیک لیرا قنا ایتمش . بیلیم یوقدرینه مساعدده ایدر میسکر ؟ اوراده تماس ده لازم . اولدن اوراده کورر لرسه او تجار ایچون حیات قالمشیدی . لکن او آدم کندنی بیلدیرمک و کندینته ظهیر قزاق ایچون بوله شرفی ، شرفی ایشلرده بولونماسی لازم کیور . خلاصه کلام : راقینک ناصل بر منبع فساد اولدینی تسلیم ایدیلیرسه بو ، او دن قات اندرقات منبع فساددر و بونک او کنه کیمک ممکن دکلدر . بونی ، یالکز اویله بر صتی وضیعت کتیر ملی که ، دینندن مرض ایندی کم کی ، مکتب ابتدائیده تحصیل ایدله سون ، مالیه نظری بک افندی ، بز بوندن بش غروش آلیورز . اگر بوله بهالندیر رسرک اورتده بودجه مسئله سی واردر . او وقت یو یاره بی طویلا به مایز ، مادام که بقانون بویا یه کیشدر ، بو ، بر وارداندر ؛ دیه جکلدر . فقط کندیلری امین اولسونرک ؛ بو ، بویله اولورسه پک جوق واردات آلا جقدر و حتی سیغاره کاغذندن ده از یاده واردات آلا جقدردر . چونکه بو « پوکر » دینلن شی ، « یاقاره » دینلن شی ، اوج کره اوینامجه ، دردیجی دمه کاغدی آتمجه مجبوریت حاصل اولور . متصل ، او یکی کاغذ تداول ایده جکلدر . حال بوکه ، محله قهوه سنده ، آتی آلیق بر او یون کاغدی ، بر طرفی بر تیلش اولدینی حالده یته اوینانبر و طورور . (قهقهه لر) چونکه اوراده اورتده بش بیک لیرا ، یکریمی بیک لیرا یاره یوقدر . اولک ایچون بوکا الی غروش ، یوز غروش دکل . بش یوز غروش رسم وضع ایتملی بز .

حلال ، حرام مجنه کلنجه ؛ طوموزدن آلتان رسمده حرامدر ، شرابدن آلتان رسمده حرامدر . اولنر ، کیمش بابام کیمش . (آلفیشلر) رئیس - هیئت عمومی حقدنه باشقه سوز ایسته ن وارمی ؟ شفیق بک (استابول) - رئیس بک افندی ، یالکز بر شی اونو تدم . زاری ده بونلرک میانه قولک ، او ندهده بار بو ط آثارلر ها . (خنده لر)

مالیه نظری جاوید بک (قلمه سلطانیه) - افندیلر ، کرک شاعر محترم امین بک افندی نیک حقیقه و جدانلرندن یوکسلن مهیج برصدای وطنی ایله وقوع بولان بیاتی ، کرک شفیق بک افندی نیک اخلاقی ملاحظاتی و کرک احمد بک افندی ایله دیگر خطیبلرک مطالعاتی کالدقله دیکلهدم . مسئله ، اخلاق جهته انتقال ایندی . طبیی ، شبهه یوقدرکه ؛

بویله بر معاملہ اولدی، بویله مهم بر مسئله به مأمورین مالیه طرفندن حکم ایبدلیکی خبر آیدم. اونک ایچون بومسئله بی موضوع بحث ایتم. رئیس — باشقه مطالبه وارمی اقدم؟ قبول ایدنر لطفاً ال قالدیرسون: قبول ایلمشدر.

آلتنجی ماده حقنده، دونکی اساسات دائره سنده پایلمش، فؤاد خلوصی بک طرفندن ویرلمش بونتمدیلمانه واردر. بناء علیه ماده بی اورتعدیلات دائره سنده اوقوبه جنز:

ماده: ۶ وظیفه دار مأمورین مالیه او یون کاغدی اعمال ویا فروخت ایدن اعمالخانه و دکان و مغازه کی محملری و دروننده بچاق او یون کاغدی اخفا ایبدلیکی امارات قوبه ایله آکلاشیلان برلری شرائط قانونیه سنه توفیقاً تفتیشه صلاحیتداردر. اشبو قانون احکامنه مخالف اولهرق الده ایبدلیجک او یون کاغدرلی حقنده مأمورین مالیه طرفندن اصولی دائره سنده تنظیم اولنان ضبطنامه لر خلافی ثابت اولنجیه قدر معمول بهدر.

رشدی بک (دکترلی) — بورا ده؛ شرائط قانونیه سنه توفیقاً تفتیش اولونه حقدر، دنیلور. معلوم مالیکز درک، تحریات و تفتیشات حقنده بویله برقانون یوقدر. بو، ایلورده اختلافاته، برطاقم استیضاحه باعث اوله بیلیر. نه صورتله وهانکی قانونه توفیقاً تفتیشات پایله حقدر؟ نه قانونده، نهده باشقه برقانونده صراحت یوقدر. اگر شرائط قانونیه دیمک لازم کیرسه، اصول محاکات جزاییه ده اولوق لازم کیریکه، او وقت مسئله نیک مستنطقه تودبی ویا مدعی عمومی طرفندن تفتیشات اجراسی لازم طبر ظن ایدرم. مقصده بو دکدر. چونکه ایلورده یولده زهاب حاصل اولور و یولورده معاملات باقی اقتضا ایلر. بوده، مقصد قانونی اخلاص ایدر. اونک ایچون بنده کزده قالدیرسه اگر مقصدلری، اصول محاکات جزاییه نیک ۱۶۵، نجی ماده سنده کی شرائط دائره سنده ایسه، ماده به علاوه ایدم. یعنی، اصول محاکات جزاییه نیک ۱۶۵، نجی ماده سنده کی شرائط وجهله هیئت اختیاریه حاضر اولدینی حالده، دییم و یا خود شرائط قانونیه سوزنی بورادن قالدیریم.

فؤاد خلوصی بک (آنطالیه) — معلوم مالیرلی تفتیش ایچون اول امرده خانه صاحبه مراجعت ایبدیلیر. بعض کره خانه صاحی تفتیشه مساعده ایدر. اوزمان محله نیک مختاری، امامی و کندیسی حاضر اولدینی حالده مأمورین مالیه بوقوبی آچار، بو هیئت حضورنده تفتیشات اجرا و نتیجه به کورده ضبط ورقمی تنظیم ایبدیلیر. شاید، جبراً دخوله احتیاج حاصل اولورسه، یعنی کندیسی رضا و موافقتی اظهار ایتمز و تفتیشه مانع اولوق ایسترسه او زمان دیدکلی کی، اصول محاکات جزاییه نیک ۱۶۵، نجی ماده سنه مراجعت ایبدلیجکنده شبهه یوقدر. بهمه حال امام و مختار و هیئت اختیاریه دن بعض کیسه لر بولنجق، حکومت علیه معلوماتدار اوله جق و اوصورته اولکیسه نیک

شاه سنه کیرله جکدر. شرائط قانونیه دن مقصد یودر. رشدی بک (دکترلی) — اصوله توفیقاً دیسه که وها ای اولامزی؟ رئیس — یعنی ماده ده کی «شرائط قانونیه سنه توفیقاً» جه سنک اولنه بر «اصول» کله سنی علاوه ایتمک ایسته یورسکن دکلی اقدم؟ رشدی بک (دکترلی) — یالکتر، «اصولنه توفیقاً» دینلسین ایسته یورم اقدم.

رئیس — ماده نیک «شرائط قانونیه سنه توفیقاً» یرنه «اصولنه توفیقاً» طرزنده تصحیحی تکلیف ایبدیلورلر. بوسورت تصحیحی قبول ایدنر لطفاً اللری قالدیرسون:

قبول ایلمدی اقدم. برده ماده به «اصول و شرائط قانونیه سنه توفیقاً» دینیلرک بر «اصول» کله سنک علاوه سی تکلیف ایبدیلور. ماده بی بوسورته قبول ایدنر لطفاً ال قالدیرسون:

قبول ایلمشدر. برده بوماده نیک نهایته، شویله برتعديل تکلیفی وار:

آلتنجی ماده نیک نهایته قره آیه نیک علاوه ایلمسی تکلیف ایدرم: «مسکن داخلنده تحریات اجراسی قانون مخصوصه تابدیر.»

رئیس — بونی نظر دقه آلا ندر لطفاً ال قالدیرسون: نظر اعتباره آلتامشدر اقدم، اساساً مندرج اولوق اعتبارله. ماده بی اوقونان شکده، یعنی تصحیح ایبدلیکی وجهله «اصول و شرائط قانونیه سنه توفیقاً» صورتنده قبول ایدنر لطفاً ال قالدیرسون: قبول ایلمشدر اقدم.

قبول اولونان شکل ماده: ۶ وظیفه دار مأمورین مالیه او یون کاغدی اعمال ویا فروخت ایدن اعمالخانه و دکان و مغازه کی محملری و دروننده بچاق او یون کاغدی اخفا ایبدلیکی امارات قوبه ایله آکلاشیلان برلری اصول و شرائط قانونیه سنه توفیقاً تفتیشه صلاحیتداردر. اشبو قانون احکامنه مخالف اولهرق الده ایبدلیجک او یون کاغدرلی حقنده مأمورین مالیه طرفندن اصولی دائره سنده تنظیم اولونان ضبطنامه لر خلافی ثابت اولنجیه قدر معمول بهدر.

رئیس — یدنجی ماده بی اوقوبیکز: ماده: ۷ مکرر لردن جزای تقدی ایکی قات اولهرق استیفا اولور. ایکنجی دفعه مکرر اولاندر او یون کاغدی اعمال و ادخال و فروختندن دخنی منع اولورلر.

رئیس — بر مطالعه وارمی اقدم؟ قبول ایدنر لطفاً ال قالدیرسون: قبول ایلمشدر.

ماده موته ماده: ۸ صریقات داخلیه به خصوص اولهرق بالمعوم او یون کاغدی حامل و تاجر و بایعلمی ایله افراد زنده و قلوب و فایزینور

اجنيه دن لككده در . مالك اجنيه دن او يون كاغدرلي كتيرن تجار ،
كومر وطرده كاغدرلي باندرو لاد تيرده حقدور . باشقه صورتده حر كته ده
لرزم يوقدر و بونلر پاك ت پاك ت ، دسته ، دسته ، هلدبي ايجون كومر و كده
باندرو ل قوبقي هيچ مشكل دكلدر . شايد ملكتمزده كاغد اعمالاي
باشلارده مالك اجنيه به كاغد اخراجي بايليرسه او وقتده پك
طيسدركه تجار باندرو ل رسمي اخراج ايتديكي مقدار ايجون تسويه
ايتيه جكدور .

رئيس — بوتقريري نظر اعتباره آلانلر لطفآ ال قالديرسون :
نظر اعتباره آلمانشدور . ماده نري اوقويكز :

ماده : ۱ صرفيات داخله به مخصوص اولهرق مالك عثانيه
داخلنده اعمال ياخود مالك عثانيه به خارجدن ادخال اولنان او يون
كاغدرلي استهلاك رسمته تابدر .

رئيس — بوغهي ماده حقدنه بر مطالله واري اقدم ؟ قبول
ايدنلر لطفآ ال قالديرسون :
قبول ايدلشدور .

ماده : ۲ استهلاك رسمي او يون كاغدرليك الهی ايكي ويا اوتوز
آئي ويا اوتوز ايكي ورقل هر پاكئي ايجون بش غروش اولوب
پاكتله باندرو ل الصاق صورتبه استيفا اولنور .

رئيس — بوماده حقدنه ويرلش بر تمديلنامه وار . رجا ايدرم
ديكده به :

او يون كاغدرلي اوزربه وضع اولنه حق استهلاك رسمته حاد قانونك
ايكهي مادمنك بوجه ذيل تبديل اولنه حق تكليف ايدرم :
ماده : ۲ استهلاك رسمي او يون كاغدرليك الهی ايكي ويا اوتوز آئي
ويا اوتوز ايكي ورقل هر پاكئي ايجون الهی غروش اولوب پاكتله باندرو ل
الصاق صورتبه استيفا اولنور .
قره محارصاحب مبعوث
آغا اوغلي احمد

رئيس — بر تمديلنامه بي رأ يكزه عرض ايديبورم . بش غروش
رسمك الهی غروشه ابلاغی تكليف ايديبورلر . نظر اعتباره آلانلر
الري قالديرسون :

الري كزي ايتديريكز . نظر اعتباره آلمانلر الري قالديرسون :
نظر اعتباره آلمانشدور .

او حالده ماده بي قبول ايدنلر لطفآ الري قالديرسون :
الري كزي ايتديريكز . ماده بي قبول ايتدينلر الري قالديرسون :
قبول ايدلشدور .

ماده : ۳ باندرو لير بر تمديلنامه او يون پاكتلرينك محتوياتي
چيقاريله به حق صورتده پاكتلرك قسم خارجيسنه الصاق ايديله جك
وهر پاك ت كاغدك ظرفي قاروريلسي كورينه جك صورتده اورته سي
دليك اوله حق و باندرو ل الصاق ايديله جكي سردهده اشبو قارو برليسي
صورت مخصوصهده تمنا له حقدور .

رئيس — ماده بي قبول ايدنلر لطفآ الري قالديرسون :

قبول ايدلشدور .

ماده : ۴ صرفيات داخله به مخصوص اولهرق داخلده اعمال
اولونان او يون كاغدي پاكتلرينك باندرو للامسي و تمنا لامسي . طبعه
ويا اعمالا تخانه لردن حين اخراجنده و مالك اجنيه دن ادخال ايديان
ويون كاغدي پاكتلرينك باندرو للامسي و تمنا لامسي كمر كردن حين
امرارنده اجرا اولنور .

رئيس — ماده حقدنه سوز ايتيه بن واري ؟ قبول ايدنلر لطفآ
الري قالديرسون :
قبول ايدلشدور .

ماده : ۵ اشبو قانونه توفيقآ باندرو ل الصاق ويا تمنا وضع
ايدلشكزين ادخال اولنان پاك ت ويا الهی ايكي ياخود اوتوز آئي ياخود
اوتوز ايكي ورقل آچيق دسته لرله داخلده اعمال اولنوب پاك ت و
آچيق دسته حالنده صائيله چيقاريلان او يون كاغدرلي ضبط وصاحبندن
بهر پاك ت ويا دسته ايجون يوز غروش جزاي نقدي اخذ اولنور . بو
يولده باندرو لسز ويا تمنا سز پاك ت ويا آچيق دسته لرك ملكت داخلنده ك
اعمالا تخانه لردن سايجيله ويرلديكي ثابت اولورسه اعمالا تخانه ل
اصحابندنده آريجه پاك ت ويا دسته ايجون بش يوز غروش جزاي
نقدي استيفا ايديلير .

شاكر بك (يوزغاد) — اخيراً ماليه نظارقي . بويه بعض مواد
اوزربه رسوم وضع ايتدي و او رسومه دائر ، بوقانون كهي بعض
قانونلر نشر ايله دي . او قانونلرك هيسنده ، اوقونان ماده ده
اولديني كي مجازات قديه دن بحث اولونيور . اهالي حقدنه بو
مجازات قديه لر باطبع ، صلح محاكمي حقدنه كي قانونه توفيقآ صلح
حاكمي طرفندن حكم ايدلك لارم كير . واقعا بو قانونلرده تصریح
ايدليور . فقط ، صلح محاكمي قانوننده احكام موضوعه واردركه ،
قوانين مخصوصه ايله موضوع اولان مجازات قديه لر ، صلح محاكمده
حكم اولونمقي ايجاب ايدله جكدور . مسمواته نظرآ بعض ولا ياده مأمورين
ماليه بو ماده بي سوه تفسير ايتشلر ، افراد اهالي به دوغري دن دوغري به
جزاي نقدي حكم ايديبورلر و اموال اميره نك تحصيل كي تحصيل
ايديبورلر . حال بوكه بو ، مجازات قديه در . بوك حقدنه صلح قانوننده
احكام مخصوصه واردور . بناء عليه ناظر ك ايتدي حضرتلري توضیح
ايتونلر بو ضبطه كسون . اكر جزاي قدي لير دوغري دن دوغري به
مأمورين ماليه طرفندن حكم اولنه حق و تحصيل ايديله جك ايله بوك
آغير بر معامله در . بوني بوراده سوله ملري و ولا يانه تعميم ايتلري
آرزو ايدرز .

ماليه ناظري جاويد بك (قلمه سلطانيه) — ولا ياده تعميم
ايدلشدور و استانبولده ده بو صورتله جريان ايديبور . ده بو صباح
غالبا فاتح صلح محكمه سندن و يرلش بر قاچ اعلام كوردم . عموميتله
بويه بايلير . مقصد مزده بودر .

شاكر بك (يوزغاد) — پاك اعلا اقدم ، بزم آقره ولا ينده ده

انعقاد آتی روزنامه‌سی

بخشیه : ۲۰ کانون اول ۱۳۳۳

مجلس بعد از زوال ساعت یکمیره انعقاد ابره بکدر

شماره
نومروس

لايه قانونيه
نومروس

روزنامه بکیرمه وضع اولونامه مراد :

- ۸۶۶ — کبریت و قارو رسم استهلاک دایر قرارنامه.
- ۶۵۰ — محاکم نظامیه تشکیلاتی قانونک «۴۶» نجی ماده‌سی معدل قرارنامه.
- ۸۹۴ — عثمانلی سیر سفارت ادارہ‌سی مأمورین و مستخدمین تخصیصات فوق العاده‌سی تارشیللی اولوق «۱۳۳۳» بودجه‌سی «۷۵۰» یک فروش ضمی خنده لایحه قانونیه.
- ۸۹۱ — اوقاف نظارتک «۱۳۳۳» سنی بودجه‌سنک بش فصول و مواد یکنده مناقله اجراسته دایر لایحه قانونیه .
- ۸۸۰ — محتاجین معاشاتی خنده لایحه قانونیه .
- یکمیره روزنامه‌سورده قلاوه مراد :
- ۷۷۴ — سن مقدرله شخصلری متناسب اولبارک تقدیر سی خنده یاپلهجی ماملاته دایر قوس قانونه ذیلاً لایحه قانونیه .
- ۸۵۵ — اویون کاندیدلرک رسم استهلاک دایر قرارنامه .
- ۵۵۷ — اجرا قرارنامه‌سنک قیمة مذاکراتی .
- ۶۲۸ — محاکم عدلیه ایله دیوان حربلر آره‌سنده سرحد دهوی اختلافاتک حله دایر قرارنامه .
- ۱ — دوائر حکومتله اشخاص آره‌سنده متکون دقاوی خنده کنفری میوقی ندریم بیک تکلیف قانونیه .
- ۲۱۴ — یوزفاد حکومته اقراض ایله بکی مالغ خنده چاوش اوغل میخالاکینک هر ضالی اوزرینه استدعا انجمن مضطلسی .
- ۳۰۹ — زوجی حسن ضمی پاشا مرحومدن عهدسته مفارقات خنده خدیجه شایان خانک هر ضالی اوزرینه استدعا انجمن مضطلسی .
- ۲۷۲ — معادن رسوم نسیسندن آله جن مبالغه دایر لایحه قانونیه .

ضبط قلمی مدیری

طاهر بی‌داره

و قهوه‌خانه‌لرده پاکت حالنده الیوم موجود اولان او یون کاغذلری اصحابی طرفندن اشبو قرارنامه‌نک نشری تاریخندن اعتباراً سکر کون ناپیتنده باندروول الصاق ایدلش بولنه جقدر ...

رئیس — ماده‌نک « اشبو قرارنامه‌نک نشری تاریخندن اعتباراً » عبارسی تصحیح اولونه جق دگلی اقدم ؟
 ساسون اقدی (بنداد) — اوت اقدم. « اشبو قرارنامه‌نک نشری تاریخندن اعتباراً » برینه « ۱۳ » اغستوس ۱۳۳۳ تاریخندن اعتباراً « دینه‌جک.

تخمین رضا بک (توقاد) — « اشبو قرارنامه » برینه « اشبو قانونک » دیمک دها دوعری اولمازی اقدم ؟
 رئیس — اقدم « اشبو قرارنامه » کله‌سی قالته‌جق او یون کاغذلری اصحابی طرفندن ۱۳ اغستوس ۱۳۳۳ تاریخندن اعتباراً سکر کون ناپیتنده باندروول الصاق ایدلش بولونه جقدر « دینه‌جک » ماده‌ی اوقومنه دوام ایدیگز :

... بومدتک مرورندن سکره باندروولسز اوله‌رق طوتیه‌جق اولان او یون کاغذلرندن طولای بشنجی ماده‌نک احکامی تطبیق ایدیله‌جکدر .
 رئیس — ماده‌ی بوسورتله قبول ایدنر لطفاً ال قالدیرسون : قبول ایدلشدنر .

قبول اولونان شکل

ماده موه

ماده : ۸ صریقات داخلیه ب مخصوص اوله‌رق بالمعوم او یون کاغذی حامل و تاجر و بایعاری ایله افراد زنده و قلوبلر و غازیبولر و قهوه‌خانه‌لرده پاکت حالنده الیوم موجود اولان او یون کاغذلری اصحابی طرفندن ۱۳ اغستوس ۱۳۳۳ تاریخندن اعتباراً سکر کون ناپیتنده باندروول الصاق ایدلش بولنه جقدر . بو مدتک مرورندن سوکره باندروولسز اوله‌رق طوتیه‌جق اولان او یون کاغذلرندن طولای بشنجی ماده‌نک احکامی تطبیق ایدیله‌جکدر .

رئیس — طقوزنجی ماده‌ی اوقویبگز :

ماده : ۹ اوچنجی و دردنجی ماده‌لرده بیان اولونان تمضا معامله‌سنه اشبو قانونک تاریخ مرعیتندن اعتباراً طقوز آیک ختامنده ابتدار ایدیله‌جک و بو مدتک مرورندن اعتباراً برآی سکره بولونه جق تمفاسر کاغذلر قوللاشلش دخی اوله‌لر قچاق عد اولونه جقدر .

ساسون اقدی (بنداد) — بوراده اقدم « اشبو قرارنامه‌نک تاریخ مرعیتندن » برینه « ۱۳ » اغستوس ۱۳۳۳ تاریخندن اعتباراً ... الخ « دینه‌جک .

رئیس — ماده‌ی بو تصحیح ایله رأیکزه عرض ایدیوروم اقدم ، قبول ایدنر لطفاً ال قالدیرسون :

قبول ایدلشدنر .

قبول اولونان شکل

ماده : ۹ اوچنجی و دردنجی ماده‌لرده بیان اولونان تمفاسر معامله‌سنه ۱۳ اغستوس ۱۳۳۳ تاریخندن اعتباراً طقوز آیک ختامنده ابتدار ایدیله‌جک و بو مدتک مرورندن اعتباراً برآی سوکره بولونه جق تمفاسر کاغذلر قوللاشلش دخی اوله‌لر قچاق عد اولونه جقدر .

رئیس — اوتجی ماده‌ی اوقویبگز :

ماده : ۱۰ اشبو قانون تاریخ نشرینک فرداسنده اعتباراً مرعی الاجرادر .

رئیس — قبول ایدنر لطفاً ال قالدیرسون :

قبول ایدلشدنر .

ماده : ۱۱ اشبو قانونک اجراسنه عدلیه و مالیه ناظرلری مأموردر . ۲۴ شوال ۱۳۳۰ ۱۲ اغستوس ۱۳۳۲

رئیس — قبول ایدنر لطفاً ال قالدیرسون :

قبول ایدلشدنر .

مساعده بو بوررسکز بونک ماده تصدقیه‌سنی کله‌جک اجتماعه اوقوبالم ، وقت برآز کچ اولدی . (قالسون صداری و دوام صداری) بعض آرقداشلر مز واپورلرینه یتشمک ایچون کیتدیله . مذاکره‌نک دواعنی آرزو ایدنر لطفاً ال قالدیرسون :

کله‌جک اجتماعه تعلیقی آرزو ایدنر لطفاً ال قالدیرسون : ایکی شق حقتندکی رابارده مساوی اقدم ، اکثر شده تردد ایدیوروز . بناء علیه کله‌جک روزنامه‌ی عرض ایدیوروم :

کبریت و قاقو رسم استهلاکنه دائر قرارنامه .

محاکم نظامیه تشکیلاتی قانونک « ۹۶ » نجی ماده‌سنی معدل قرارنامه ، عثمانی سیر سفان اداره‌سی مأمورین و مستخدمینی تخصیصات فوق‌الماده‌سی قارشیلنی اوله‌رق ۱۳۳۳ بودجه‌سنه « ۷۵۰ » بیک فروش ضمی حقتنده لایحه قانونیه .

اوقاف نظارتنک ۱۳۳۳ سنه‌سی بودجه‌سنک بعض فصول و موادی پیتنده مناقه اجراسنه دائر لایحه قانونیه .

برده محتاجین معاشاتی حقتنده لایحه قانونیه .

بونرله برابر بو کونکی روزنامه‌دن جبه قالان مواد وار .

بجشنه کونی بعدالظهر ساعت ایکیده اجتماع ایتمک اوزره جلسه‌یه نهایت ویریوروم .

ختام مذاکرات

دقیقه ساعت
 ۲۰